

بين هنا وهناك

في جزء ب قلبي فيه اشياء كثيرة ومشاعر باهتة..كل حد فينا عنده كلام مخبي..

وانه فيني كلام و حروف ما خلصت..(طرف ثالث) كان بحاول يطلع كل شي..

لحد ما اجى كتاب (بين هنا وهناك)..جواتي عالم ثاني..مشاعر صعب وصفها..

حاسة حالي بين شتات..وحاسة ان هنالك للحديث بقية..ويكون هناك اعترافات
سوداء..وهناك اللانطاق..الكتاب رح يجمع مشاعر الماضي وحاضر الحب..ومشاعر بيضاء
وسوداء..ويين قول وفعل...

وشاءت الاقدار ان يكون هناك..فراغ..وحطام..وبعد كل عناء لعله يسمع..

قدر و شاء الله..ان تكون جزء بين اوراق الماضي والحاضر..

في داخلي حروب ومعارك ليس لها حدود..آلاف المحاولات ل اضل واقفة..

قوة كبيرة استنزفتها..لحتى اصمد..وما انهار...

عتمتي الي لحالي...ونوري للناس....

بين هنا وهناك....

بين هنا وهناك

غلا إدريس

احساس مطفي..

مافيك تقدر تكون قوي طول الوقت

احيانا بتحتاج تقعد مع حالك..عشان ترجع قوي

واذا ما كان شي بفيد؟؟؟؟ لا الوحدة ولا اي شي قادر؟؟؟ انت فعليا طفيت..

لا الوحدة بتنفع ولا شي حتى اكتب واهرب مش زابطة

حتى اعطي لقلبي مجال انه يترمم مش زابطة

والاصعب انه في جواك كركبة فش حد حاسس فيها...بلكي ب يوم من الايام هانت

ويمكن ما تهون...الكركبة الي انت عم بتعيشها.. ما حد فاهم شو هي؟؟؟

يوم مبسوط... يوم مفصوم... يوم عم بتحارب الي جواك.. عشان ما تخسر حد..

المهم الي بدي اوصله.. حقنا نكتئب ونتكرب.. كم يوم لحالنا.. من دون ما نكرب

حد معنا.. يمكن اختفي فترة ل اجمع شتات كركبتي وارجع...

بخصوص هاي الفترة.. جد بنحتاج حد يفهمنا... وما يتركنا..

لانه الي يفهمنا بهيك وقت.. اكيد رح يفهمنا بكل الوقت...

بين هنا وهناك

غلا إدريس

ما بلزمننا....

في شغلات كتير تمنيناها بالوقت الغلط.. بعد ما يكون صبرنا عليها...

بعد ما نكون تخطينا مرحلة النسيان.. املي فيك انتهى.. ما ضل شي زي ما كان.. خلص كل شي
انمسح.. اليوم الي انت قررت تمشي فيه.. قررت انسحب انا كمان.. هاد الحل عشان اصلح كل
شي.. ما كان الحل انه اضل...

في كل مرة بحاول معك بستم بالفشل... لأول مرة بشعر بالندم في قلبي وروحي..

الي اكتشفته بعد فترة.. ما تحب اي حد على كلامه.. الحكي بيخلص وبينتهي..

وحرفيا وفعليا.. بكون الشغف مات فينا.. ولهفتنا الها.. راحت وقلت وما عادت زي اول.. ولما
تلتقي معاه.. ما بكون في شي جواتنا اتجاهه لانه الشي مات من جوا..

ببطل تعيننا لا من قريب ولا من بعيد... وكل مرة برجع بقول وبعيدها الف مرة..

الشي الي بيحي متأخر... ما بلزمننا....

بين هنا وهناك

غلا إدريس

الحق علينا..

دايما قاعد مع حالك وبتسأل

ليش هالشخص تركني وراح؟؟؟

ليش بعد عني؟؟ وين راح؟؟ كيف كل شي بينا هان عليه؟؟؟.. بتصير انت تلوم فيه.. ع اساس
انت ملاك.. بتضلك تلوم فيه انه ما عنده قلب.. وبضلك تهرب من فكرة انه انت كمان عليك
اللوم.. هو مش كويس؟؟ لا يا عمي انت مش كويس

هو ما عنده قلب... انت اللي ما عندك قلب

(أحيانا الحق مش ع الشخص الي تركنا)

الحق علينا احنا... ليش؟؟.. لانه احنا السبب.. لانه اعطيناه فوق قيمته.. وترا ممكن لو انت
خير لهاد الشخص.. الله ما بطلعه من حياتك.. مش دايما انت الصبح.. يمكن انت غلط..
ومصدر ثقيل عليه.. الله شاله من حياتك عشان انت ترتاح... الوقت الي انت بتحس انه انت
الصبح.. بتكون عم تاخذ قرار غلط.. لو انه بحبك عنجد.. ما بسمح انه يطلع من حياتك.. بس
انت مش خير اله.. عشان هيك راح وهرب وتركك.. الوقت رح يثبتلك انه انه كل شي عمله الله

خيرالك....

بين هنا وهناك

غلا إدريس

سهل ب كل شي..

الشي البشع الي بهاي الحياة... الي ممكن تعمله بحق حالك... انه تكون سهل كثير

سهل الرضا... سهل الوصول اليك... سهل تقبل اي شي.. سهل انهم يرفضوك.. سهل الواحد يحصل عليك.. هاد الشي بخلي كل حد يحطك براسه

ما نتفاجيء انه يكون رأي الناس فيك.. وجودك مضمون.. واكيد بترجع.. وانه رضاك مكفول مليون بالمية.. زعلك اكيد ما اله قيمة.. ورح تخسر قيمتك حتى قدام حالك.. بصير الناس يتمادوا بجرحك.. وغيابك

ووجودك.. بالعربي.. وجودك وعدمه واحد

الي يتهاون بكرامتك وبيتنازل وبيقبل ما رح حدا يشيله من ارضك وبهون عليه وبينهان.. والي ما بعز حاله... بيرخص بعيون الناس.. الناس بتعاملك مثل ما انت بتسمح لها.. اذا انت ما قدرت نفسك.. ما تتوقع من حدا يعطيها الك

بين هنا وهناك

غلا إدريس

مرات بقول بدي أعاتب..

بدي أخذ مساحة خاصة من الحياة وأحكيها وقفي شوي أنا عندي مشاعر مكبوتة وعندي
حيل انهد وجسم وروح تعبانين من كل اشي

ضغط ورا ضغط وتعب وروتين قاسي وتوتر.. وناس راحوا أخذوا كل الايام الحلوة

بتكون ماشي.. بتوقف وبتطلع على كل الناس.. بكون نفسك تبكي ودموعك يلمسها حدا
غريب.. بس ما في عندك الوقت انك تكون لحالك شوي.. تبكي وتفرغ حزنك

الضغط اللي انا فيه صح وراه نتيجة حلوة.. بس ما ننسى انه كمية التعب بتفوق كل
التوقعات..

عنجد انا بحاجة أخذ استراحة.. حتى لو مدتها يوم من الحياة.. أكون لحالي مع حدا انا بتمنى
الحياة ترجع معه.. ومكان بعييد وسلام عال الدنيا وكل اشي فيها

بين هنا وهناك

غلا إدريس

الوقت بسرقتنا..

أيام بتمرق بلمح البصر.. عايشين بكرة ما بنعرف..

الخوف فعلياً مش من الموت.. الموت حق علينا كلنا..

بس الفكرة انه تروح هيك فجأة بدون سابق إنذار..

الحياة قصيرة ما بتستاهل زعل.. لو الحق معك.. لو جرحك كاسر قلبك..

انسى وسامح.. حبو بعض الحياة بلا معنى ما بتستاهل زعل..

يا الله شو الدنيا سخيفة وشو محملينها زيادة عن اللزوم..

احنا ما بنحس بقيمة الشغلة إلا لما تروح من بين ايدينا..

خلي الحب بينكم ما تزعلوا بعض..

استغلوا كل فرصة مع اللي بتحبوهم.. احكيلهم قديش بتحبوهم وقديش مكانتهم بقلوبكم..

قرب من كل الناس اللي بتحبهم.. شيل عنهم تعيهم وخوفهم..

حاول تكون جنهم تدعمهم.. وع قد ما بتقدر ارسم الضحكة على وجههم..

كون سبب فرحتهم.. ما بتعرف مين ممكن يترك الثاني قبل

وقتها رح تتمنى يبجي يوم لو حتى بنومك.. يمرقوا وتلمحهم

غلا إدريس

كركبة ألف...

الكركبة والاكئاب مو غلط احيانا.. ولا عيب.. احنا بنحتاج فترة نتدايق فيها ونزعل فيها و نكتئب فيها.. عشان نقدر نرجع زي ما كنا.. وبشكل طبيعي...

الاكئاب والكركبة بتيجي من كتر ما كبتنا جو انا.. من كتر الضغط الي عشناه..

الكركبة بتيجي من اكر من موقف.. من كبت المشاعر.. من كبت الحكي الي جو انا..

الي اغلب الحكي لو حكينا بنرتاح.. لما نحبس كل هاد جو انا.. رح ننفجرو ننفجر فجأة.. و هاد الانفجار رح يطلع ع الناس الي بنحياها.. وبطريقة كثير غلط..

بس مش هون المشكلة.. المشكلة انه مو الكل بحس ويعرف انه هاي فترة مرينا فيها ورح تعدي..

بين هنا وهناك

غلا إدريس

قناعة...

روح و اجبت و طلعت و نزلت.. بعد ما جربت كل شي.. بعد ما حببت و تركت و انكسرت..

و صار عندي اصدقاء.. هون و هناك.. و فارقتهم.. اكتشفت انه كله هاد حكي فاضي..

ما اضغط حالي... اقع بـ اماكن تشبيني و تسرقني بالساعات... اطلع مع ناس احس حالي

معاهم ع طبيعتي من دون تصنع... و اكون على رضا تام.. و راحة تامة..

و كل شي بينا صادق من دون تصنع.. بدون وعود و كذب و نفاق..

بدون ما انهبر بالناس من اللحظات الاولى.. أتقبل اي شي يصير.. و اكون راضية..

وما يوقف طريقي هون.. لا اكمل... و اعيش اللحظة اول ب اول..

و اكون مرتاحة....

اقتنعت انه احسن حياة يعيشها الانسان... حياة هادية و مستقرة.. من دون اي ازعاج فيها...

اقتنعت قناعة داخلية ب كل شي.....

بين هنا و هناك

غلا إدريس

ضياء مشاعر...

اقولكم شو اسوء شي؟؟؟.. تكون عالق بين شعور الضياع والحيرة.. وشعور انك واقف
بينهم... مش عارف تتصرف..

محتار وخايف وضايغ وضايح.. عم بتفكر تمشي خطوة لقدام.. وتكمل الطريق..

او ترجع الف خطوة لورا وتضيع وتهرب...

بتخاف تمشي ب مشاعرك وتفكر ب قلبك.. وتتعذب وتضل عايش ب قهر..

بتخاف عقلك يسيطر عليك وتضيع وتندم وتعيش شعور الكآبة..

مو عارف كيف تتصرف.. تلحق قلبك؟؟ او تركض ورا عقلك؟؟

فايت ب الف حيط وحيط.. كل شي طالع من ايديك وسيطرتك..

بترفع راسك بالصلاة ل ربك ودموعك غرقانة وجهك.

يا رب وكلتك امري..

بين هنا وهناك

غلا إدريس

سامح...

ضلك سامح لتوصل ل مرحلة انه الشخص الي انت بتحبه يسقط..
بهاي القاعدة وبهاي الجملة بتخلص من اي علاقة منهية ب حياتي..
ولا مرة بعدت عن حد من موقف او من تصرف او من اي شي..
دائما بعطي الشخص القدامي المساحة الي بده اياها.. يعني مثال..
يجرح.. يأذي.. يحكي الي بده اياه.. لحد معين..
لحد ما اوصل ل مرحلة لما انفجر.. ما اندم ع اي كلمة حكيتها..
ولا أحس ب اي تأنيب ضمير.. او اني ظلمته ب حياتي..
أنا بسامح كتييييييير.. وبغفر فوق ما تتصور.. بس ما بنسى المواقف..
كله بيتراكم جواتي... ليطلع تلقائي الكلام الي جواي..
لحتى يطلع الشخص من قلبي لحاله وتلقائي..
بدون ما اكون ظلمته او تسرعت ب ردة فعلي اتجاهه..

بين هنا وهناك

غلا إدريس

نضوج..

رح توصل ل مرحلة بحياتك.. رح تكتشف كل شي على حقيقته...

كيف يعني؟؟....

يعني كل شي كذب رح يبين.. كل شي نفاق رح يبين...

كل المشاعر والحكي الي مبالغ فيه.. رح تحس انه صارشي ثقيل عليك..

كل قناع لابسينه الناس رح يوقع... كل المشاعر المزيفة..

كل الصحبة المصلحة.. وكل القريب الغدار.. وكل لمة التميها مصطنعة..

وكل شخص حالك انا سند الك.. رح يخذلك.. وكأنه كل الكون حكي اللهم امين..

رح توصل ل مرحلة خسرت كتييير شغلات... بس ربحت حالك..

ربحت شخصية جديدة.. شخص جديد.. شخص عاقل.. شخص كل قراره حاسم فيه

مش سهل انه يقرب.. ومش سهل اي حد يقرب عليه ويقرب منه ومن قلبه..

ورح ضلك تحارب ل تصيرشي جديد... وبس والله...

بين هنا وهناك

غلا إدريس

رغم الخلافات...

الراحة الي جد رح تحسها حقيقة.. انه يدخل على حياتك شخص...

يتقبل عيوبك.. ما يركض ورا تغييرك.. للوم.. للعتاب..

حد يرضى بعتمتك قبل نورك.. يحتويك ويحتوي كل جزء غلط فيك..

يحتوي كل جزء فيك من دون تدمر.. ويفهم انه وقتك الفاضي شي طبيعي..

والكآبة الي بتمر فيها وراها تراكمات.. العصبية الي رح تمر فيها.. سببها ضغوطات مقرفة..

وجوك الي انت دخلت فجأة فيه سببه انه الشغلة مش ب ايدك..

والمفروض يأمن انه انت شخص منيح ب كل حالاتك..

وبكل عيب غرقان فيه.. وانه الشخص هاد يسحبك من غرقك..

هو الي يستاهل دايم الحب والتمسك رغم الخلافات...

بين هنا وهناك

غلا إدريس

اشتياق...

لما تمرق فترة من حياتك بتفرض عليك شغلات اكبر من حجمك..

اوشغلات اكبر من عمرك..ولما انت مش قادر تتجاوز هاي المطبات..

رح يكون انفرض عليك تعيش هاي المطبات بكل ثانية منها...

تعبانة... حرفيا تعبانة.. مش من شي...

تعبانة من حالي.. منكم..من الشغلات الي عم بتصير.. من الشي الي عم بصير حولي.

مو من صديق.. مو من حبيب.. مو من قريب.. مو من بعيد..

من وضع مافي لمعة امل.. من امنية تمنيتها من سنين..

من شعور مش موجود.. من حق مش قادره اطوله.. ولا حتى اوصله..

اشتقت لشي صغير.. اشتقت ل شعور نفسي اعيشه.. ل شعور نفسي القطة..

لحضن جاي ع بالي اشمه.. ل ريحة غرقت فيها وبس اشمها بصفن ب نص الطريق..ل كلمة

زمان ما سمعتها.. ل احساس زمان ما لمسني...

لضمة جاي ع بالي انسى الناس فيها..

اقول شي.. هلا احي ع بالي؟؟

شعور حرقة القلب بوجع كثير.. بس الي بوجع اكثر شعور الوحدة...

اخ بس... غلا إدريس

احتواء...

في تعب مش قادرة اوصف شو هو... بس جاي ع بالي اكتبه...

لما تنخذل وتحس بالاهانة.. لما خاطرك ينكسر وما تلاقي حد يجبره..

لما يصير قلبك حجر.. وتبطل تحس ب شي.. انه تفقد لذة الاحساس

بوقت اقرب الناس الك بده هاد الشعور.. ولما تضحك وقلبك الي عم ببكي..

لما دموعك ماسكها ب كل شي.. جواتك حريق لا قادر تطفي ولا قادر توقفه..

ولا قادر تخمده.. ومن برا فش اهدى من اعصابك.. لما انت ما تعرف شو الي عم بتعب حالك و

جسدك.. ولما دموعك توصل لمرحلة مش قادرين ينزلو.. ولما يكون كل شي عكسك.. وتحس انه

كل شي ضدك.. لما تحس ب غصة ورا غصة ورا غصة.. وتبلع هاي الغصات.. عشان ما تبين ل

حد انك مكسور.. وهم اصلا عم بيكسروك ب كلامهم ب اسلوبهم.. ب كل شي..

ولما بدك تحكي وتفضفض.. وتسمع بالآخر الله بعين...

واصلا ما تلاقي حد ترمي حالك ع كتفه.. وما تلاقي حد يطبطب عليك..

وكل الحكي تبلعه.. والحكي عم بياكل كل جزء من جسمك.. وكل جزء من نورك.. وتترك العتمة

تاكلك وتسيطر على روحك...

وفش اشى راضي يطلع هاد الشي.. والله تعب الروح صعب صعب...

لما حد يقولك روحي تعبانة وحيلي مهدود.. احتوي.. خلي يسند ع كتفك..

طبطب عليه.. اسمعه.. واحتوي بين ايديك..

اسلوب معوق..

كثير بيحي ع بالك تحكي للشخص القدامك.. وينك؟؟ وين هالغيبة؟؟

مش ل شي.. بس كثير صعب تقول له اشتقت ل ايامي معك

و كثير بتحكي للشخص وينك مبطل تبين؟؟ او وين ايامك؟؟

مش ل شي صعب تحكيه ليش ما بترن وتسال عني..

و كثير اوقات بتيحي تحكي ل شخص عادي انت كثير بتهمني

لانه صعب تحكيه بحبك.. او اي شي بخص هاي الكلمة..

واحيانا بتحكي انشغل بالي عليك وينك لهلا؟؟؟ لانه صعب تحكي خليك جمبي.. لا تروح.. في

شي بكون ناقص اذا انت رocht.. احيانا بتحكي هلا برن عليك.. لانه كثير صعب تحكي حاب

تسمع صوته.. و صوت ضحكته معك.. احيانا بتحكي شوي وبرجعلك.. وما بترجع.. لانه بتكون

خايف تتعلق فيه و خايف تحكيه.. انه هوكل شي.. احيانا بتعمل مشاكل معاه... عشان بس

ما تحكي ما بقدر اعمل شي الا لما اقولك...

شو الطريقة المعوقة هاي؟؟

بين هنا وهناك

غلا إدريس

بكل بساطة..

ترا لازم تفرق بين شخص سحب حاله واختفى وشخص ما ضل فيه طاقة ل شي..

كل انسان بيمرق ب فترة كثير صعبة.. بحس حاله ما عنده طاقة ل شي..

بس يعني ها الشي لا يعني انه تغير عليك او شي.. او انه مو منيح

يعني مثلاً.. لما تشوف شخص كثير منيح وكثير كويس وكثير رايق..

وكثير سلس ب كل شي.. وفجأة يتغير.. وصار كل شي يدايقه وما عنده خلق لا شي.. اتأكد

مليون بالمية انه هاد الشخص وصل لهاي المرحلة من كتر الضغط الي عاشه... وما ضل عنده

نفس ل ياخذ ويعطي ويجادل ب شي..

قبل ما تقول القريب تغير.. اسأله شو الظروف الي خلتة.. هيك.. بارد ب كل شي..

وكون متأكد انه هو نفس الشخص بس اللهم ما ضل عنده طاقة ياخذ ويعطي..

بكل بساطة انتهى كل شي من ناحيته.. وبس

بين هنا وهناك

غلا إدريس

اول الطريق..

لما تتعبو.. وقفو شوي.. اجمعو حالكم.. بس اوكم تحبطو حالكم وتستسلمو..

ما في طريق بيحي هيك و خصوصا طريق النجاح..

الفرق كتير بسيط.. بين الي جد بتعب.. والي بوقف بنص الطريق.. لانه تعب..

والي بكمل الطريق.. لانه هو بده يكملها.. واتحدى الطريق هاي بكل عقباتها..

الشغلة كتير بسيطة.. شغلة ارادة.. شغلة انه بدي اوصل.. عشان هيك

اذا حاطين ببالك انه عمركم ما رح نوصلو مش رح توصلو..

واذا حاطين ببالك انه لدكم توصلو رح توصلو وغصب عن الكل..

انت بس بلش ب اول الطريق.. حط رجلك اليمين ب اول الطريق..

واعتبرها طريق النجاح.. واعتبرهاي الرجل رح تحقق الي ببالك..

حط ببالك انه مش ممكن تتنازل عن اشي بخص النجاح... يعني بالعربي...

انت قدها وقدود...

بين هنا وهناك

غلا إدريس

تغيرنا كثير..

عادي احكي انه ما بدي اوصف.. بس عادي احكي انه اي ردة فعل عندي انعدمت

مش يعني الي بليد او بطل يحس.. لأ...

انا لسا عم بحس وبحس اكثر من اول.. وكثير كمان.. بس مافي شي اعمله..

يعني جربت البكاء وجربت الكتابة وجربت انه اسمع الاغاني الدمار..

جربت كل شي.. جربت كل شي لحد انه بلشت امراض فيهم...

جربت انه ابعد عن الناس.. جربت الاكتئاب.. جربت الفضفضة..

جربت الانطواء مع نفسي... وجربت الغصبة... وما لقيت اي شي يساعد..

وجربت انه البكاء بريح الشخص.. ما بعرف مين قال هيك..

بس بحس انه البكى اكبر كذبة.. بطلت افهم حالي او بطلت اعرف شو بدي اعمل مع حالي..

بس عشان اقدر اكمل الطريق.. وصرت كثير بخاف اطلع ب حالي..

وصرت اخاف احس احساس غلط.. مع انه كل احساس عشته كان غلط..

صرت اعاتب حالي كثير اكثر ما اقعد مع حالي...

وصرت اكره حالي بس تعاتب حالي.. لانه غلطت ب حقها كثير..

اسفة...

غلا إدريس

تغير بسلب...

نجرب شي جديد شوي...

تعبتى...؟؟؟ اه... تغيرتي؟؟؟.. اه..

طيب ليش؟؟؟ عشان شو؟؟؟ والسبب؟؟؟

لانه وصلت لمرحلة زهقت احافظ ع الناس والناس ما بدها اياي...

تعبت اعطي اهتمام.. وما الاقي عند حد.. تعبت وانا عم بتفرج ع الناس وهي بتطلع من حياتي

من دون سبب وخصوصا الناس الي بحبها..

واحد ورا واحد ورا واحد... تبعت وانا بتسمك بالايادي الي باي لحظة بتترك ايدي... والله تعبت

من كل شي.. تعبت من اي شي.. صرت اتعب من اي شي..

صرت اخاف من اي شي.. بس انه تعبت...

ولا حد يسألني شوالي مغيرك.. ولا حد يعاتبني ليش انا عم بموت من جوا..

لانه مليت من اشي اسمه كذبكم...

بين هنا وهناك

غلا إدريس

180 درجة...

بتقدر تسامح؟؟ هلا شوف احكيلك شغلة.. اذا بتقدر تسامح يلي اذاك سامح..

بس بالنسبة الي شو هك نفسيا؟؟ شو وضعه هاد!!!..

ربنا حكى " العفو عند المقدرة" .. طيب ماشي.. افرض انه تعدت المقدرة الشغلة؟؟

افرض انه هدول الناس سرقو منك شغلات كتير حلوة بحياتك..

وهدو حيلك.. وقلبوك ل شخص 180 درجة... ل شخص روحو تعبانة..

وكل شي في باهت؟؟ وانت ما قدرت ترجع زي اول.. وما قدرت ترجع زي ما بدك.. هون العفو

بكون فاق كل شي.. فاق حتى المقدرة والله...

بين هنا وهناك

غلا إدريس

ما بعرف..

في شغلات كتير بالقلب.. صعب تنحكي لحد.. او بالاحرى ما بنلاقي اي حد نحكيه..

شو الشئ الموجود الي بالقلب.. لما حد يسألني شو في؟؟ مالك؟؟

بختصر الجواب.. بكلمة "ما بعرف".. بكلمة "ما بخصني"..

لانه عنجد حرفيا ما بعرف شو بكون مالي.. او شو بصير جواتي..

كتير مرق ايام زفت بحياتي ما كنت متوقعيتها... انه يصير معي هيك مو اقف..

موقف اذاني.. موقف جرحني.. موقف من صديق من قريب من بعيد من اي حد...

بس بعمرني ما ضحكت ع حد بحبه.. وكنت كتير صادقة معاه.. حتى مع الكل..

بس هاي الايام تعلمت كتير شغلات.. تعلمت كيف اكون قوية... وما بندم ع شي..

تعلمت انه موكل مرة عم نختنق فيها يعني النهاية..

وتعلمت انه الكتابة ابدًا ما بتشبه عنوانها.. والسكوت مو دايمًا علامة الرضا...

بين هنا وهناك

غلا إدريس

جزء اسود...

عمري ما تعودت استند على حد... كنت انا الكتف المساند الي..
وانا الشخص الي مهتم بحالي.. كنت لحالي.. بحالي.. كنت اقوم حالي..
مشان هيك ما في انسان اله معروف او شي علي..
في كل مرة وقعت فيها.. صح كنت الجأ للناس في البدايات..
بس بعد مية طعنة ظهر وكذب ونفاق.. لجئت لكتفي انا..
لانعكاس صورتني بالمرآي هو الي قومي.. هو الي قواني..
صح كنت ضايعة ب طريق اسمها طرف ثالث..
متلي متل البشر.. بوقع.. بتعب.. بنصدم.. من مواقف واشخاص..
من الناس الي مفكرة حالها صاحبة..
بس مستحيل يطلع مني افرجي حد الجزء المعتم مني او الجزء الاسود...

بين هنا وهناك

غلا إدريس

الجنب يلي بريحك..

حاليا.. وبهاد الوقت.. ما بدي من حد شي..

ولا مستعدة اطلب من حد شي.. حتى الاهتمام ما بدي اياه..

ولا رح اطلبه.. ومش فارقة كثير مين معي.. ومين ضل؟؟...

ومين راح.. ومين رح يروح.. ولا كثير مهتمة اذا هو منيح او لا.. كل يلي بفكر فيه

هو انا.. حرفيا.. انا الشخص الوحيد يلي بستاهل.. ما حد عارف يتقبلني..

ولا حد عارف يفهمني.. وبصراحة ما بدي حد يحكي (انا معك وجمبك)..

لانه كل يلي عرفتهم للاسف ما كانوا قدھا.. مش زعلانة لأ.. اخرهي

لانه بالعكس ارتفع عندي مستوى البلادة واللامباله.. بدك تكون موجود بتلاقي

مكانك.. ما بدك تكون موجود ما تتوقع مني ولا حتى جزء بالمية اتمسك..

لانه كل يلي تمسكت فيهم.. انسحبو.. بصراحة انا احق حد بحالي...

لا بدي تمشي خطوة الي.. ولا بدي امشي خطوة الك..

كل واحد ينام ع الجنب يلي هو برتاح فيه...

بين هنا وهناك

غلا إدريس

صورة..

خليني اصور الصورة مني ب قلب قاسي...
عمرك بحياتك ما تعطي فرصة لأي انسان غلط فيك.. هان عليه فيك..
وانه تكون القلب الابيض النقي الكبير الي بسامح.. لأ
بحياتك طول ما انت عم تتنفس او عك توثق بحداء..
ولا ترسم ببالك قصة سيناريو سفاحة و حلوة ونهايتها بتجنن...
ولك او عك تتمسك ب حد.. الي شوفته تغير فجأة اتركه لا تعاتبه..
قال شو... بتعمل المستحيل عشان ترضي الناس.. واخر شي بتاكل ضربة
ما بتعرف من وين اجتك.. او عك تندم ع شي منيح عملته..
لا تهتم ب حد..

بين هنا وهناك

غلا إدريس

عتمة...

بحس حالي انه خسرت اشياء كثيرة.. حتى حالي.. بحكي يمكن صرت بليدة او بمعنى ادق تمسحت.. يمكن هاد الوصف القريب الي.. لانه مش حابة كثير ادخل بالوصف..

لحتى ما احس الشئ الغريب الجواي.. وقديش ممكن هو خطر ع حياتي..

خلينا نحكي بمعنى ثاني ردة الفعل الي عندي بطلت زي اول..

يعني صرت استقبل الصدمات بصدور حب.. هاد الحكي للناس الانانية الي ما بتفكر غير بحالها.. وما بتحس بغيرها.. و حرفيا لازم تستوعب انه في فرق كبير

بين الشئ الصبح.. والشئ الي لازم يكون صبح.. مو كل شئ بتتمناه بيوصلك..

احنا المفروض ما نستسلم.. في شي جواتنا عايش وصعب انه يموت.. وصعب حتى تدفنه.. ما حد عارف كيف احنا عم بنمشي يومنا.. وكيف عم بنعيش مع حالنا..

في صراعات تقلبية جواتنا.. في مشاعر عتمة جواتنا...

بين هنا وهناك

غلا إدريس

مش نصيبك..

بتعرفو هاي جملة "مش من نصيبك" .. يعني بضل ماشي طريق وبالآخر

بتعرف انه هاي الطريق مش من نصيبك.. بتزعل وبتبكي وبتدايق..

وبتحكي انه ليش هيك؟؟ يعني اذا هو مش الي ليش صار هيك؟؟

انه اذا هو مو الي ليش مشيت فيها الطريق هاي؟؟

لازم تعرف انه هاد الشي مش الك.. والحياة كلها تحت مسمى نصيب...

نصيب بيحي ونصيب يروح.. بس عشان اوصل الصورة..

الي كان ب حياتك وراح.. هاد نصيب وهداك لنصيب رح تكون مبسوط معاه اكثر من الاول...

يعني مهما تكون زعلان ب هاد الوقت.. ربنا مش رح يخيبك ورح ضل الاحسن ولو شو ما صار...

بين هنا وهناك

غلا إدريس

صعب النسيان...

عارفين شو شعور انه انت تكون خايف ومش مرتاح بنفس الوقت...

كلنا عارفين انه هاد الشي مؤقت.. بنحسه ب كل فترة فترة..

بصير عندك خوف من كل شي.. مش رح احدد.. لانه كلنا عنا اشياء بتخوفنا..

وبتحسسك ب عدم الراحة... مثلاً روححت ل شخص و حكيت انه انت عم بتحس ب هيك

احساس او صايبك هيك شعور... رح يقولك انت عم بتبالغ.. شوالي بتحكي؟؟

في اوقات كثير جو اتنا عتمة بتستوطن روحنا.. وكثير شعور بشع لما الي حواليك

ما يلمسو الشعور الي انت فيه.. لانه انت عم بتبالغ ب شي هم مش حاسين فيه..

لكل شخص مرق ب هاد الشعور ويهاد الشي.. بحب اقولك تعال صف جمبي..

لانه عارفة قديش الشعور هاد صعب.. وصعب نتجاوزه.. وصعب نطلع منه كاملين.. بنطلع

منه مهشمين ومكسورين.. بس اكيد مع الايام بترمرم حالنا..

واكيد رح نتجاوزه هاد الشعور...

بين هنا وهناك

غلا إدريس

الحمد لله

بشكر ربي على كل شي صار معي.. بشكر ربي على اشياء كنت مستعجلة عليها...

وما اخذتها... على اشخاص بعدني عنهم.. على اشخاص هلا موجودين

على اشياء كثير التغت بحياتي.. على فرص لو مشيت فيها كنت رح اغرق فيها..

بشكره على كل توقيت اعطاني اياه.. بشكره على حكمه معي بالتفصيل...

بشكره على كل اختيار اعطاني اياه حتى لو ما كنت فاهمته...

بين هنا وهناك

غلا إدريس

هناك شخص..

في حد قدر يعمل المستحيل وبكل سهولة... في حد اضاء عتمتي..

في حد قدر يضيء باطن قلبي.. وظلمات روحي... بعد كل شي غريب..

بعد كل كلمة وحرف.. صرت اتمنى انه اقدر اخبي ضحكتي..

بابتسامتي.. قهقهاتي.. مجرد سلام منها.. تبعثر حالي..

تبعثر كلماتي وتختفي قوتي.. واصبح من اضعف ضعيف..

بل يخرج مني شخص لأول مرة اراه في حياتي..

شخص يفقد التركيز ويبتعد عن كل معتقاداتي..

يؤمن فقط ب سحرها.. مافي مقارنة بين الاحتلال والسيطرة..

كيف ممكن اخفي تلك اللهفة والنيران المشتعلة التي سكنت داخلي..

ترا كثير مضحك ان تشعر بما كان يشعر به الاخرون..

وانه كما تدين تدان هلا حسيت برودة المشاعر الي كانو يمر وفيها...

ب تفاصيل عيونها.. وبين كل فراغ ب رموشها..

وبين كل غمضة ل عيونها.. اري امام عينها شخصا خاشعا لا يتحرك..

بعد كل كلمة قلتها وكتبتها.. سأشخص حالتي انه مرض الجنون ولا يوجد علاج له..

والدواء الوحيد هو الموت.. لان كل قطرة دم ب جسدي لا تلفظ الا اسمها

سلب

وانفاسي لا تتقبل الا عطره.. مشاعر مبعثرة تدور في داخلي وتحارب بعضها للبقاء.. ف من
يمكنه تحمل الحب والكره معا..

او الثقة والشك معا.. او تلك الالام وتلك الراحة؟؟؟ غير انه لم تكن من عاداتي خيانة تلك
الامانة.. لانها وصية من الرسول .. ووالدها اوصاني على حماية ممتلكاته.. ف يا صغيرتي انتي
حياتي القادمة..

أسأل سؤال؟؟ بتيجكم ايام بتحسوب وحدة مش طبيعية..

ما بتعرف اذا وحدتك هاي عشان بدك ضل مع حالك او لا...

او مافي حد يخليك تكون وحيد...

لانه انت عارف انه بطل الك خلق ل اشياء كثيرة.. واصلا بطلت مهتم فيها..

بنفس الوقت ما بكون الك خلق ل شي...

انت وضعك غريب بس بنفس الوقت بتحس حالك طبيعي...

بدك وقت كثير او شوية وقت لحتى ترجع وترجع كل الي راح منك..

وتستهلك بكثير اشياء وكثير ناس.. وكثير الوضع اوفر وكثير مشاعر

وكثير رماد وكثير عجقة وكثير وكثير شغلات

سلب..

غلا إدريس

خليني أكذلكم ع شي..

وقت تشوف حد بيكي قدامك.. او عك تحكي خالص.. لانه بصراحة الدمعة بتريح..

وقت تشوف حد عم بصرخ لا تقولو بس بكفي وجعت راسي..

لانه بجوز الصرخة الي طلعتها محبوسة من قهرو تعب ووجع..

وقت ما تشوف حد معصب وبحكي اشياء طالعة نازلة اتركو..

لانه اذا ضل جواته رح ينخنق من كتر الحكي.. سيبه يحكي شو ما بده لا تمنعه..

وقت تشوف حد مش مركز معك.. ومش سامعك...

اتركه شارد.. لا تصحي من الشرود.. اتركه مع احلامه الي كان نفسه يبنها..

وقت ما تشوف حد صافن ب محادثة قديمة.. اتركه.. لا تلومه..

اتركه يسترجع كل ذكرى حب يعيشها او كل كلمة انقالت اله اوقالها..

لانه كل واحد عاش بما فيه الكفاية.. اتركونا براحتنا ولو مرة..

بين هنا وهناك

غلا إدريس

تتذكر لما..

في شغلة اكتشفتها.. بيغلطو معك كثير.. وعادي بتسكت عشان ما تخسرهم..

وإذا انت غلطت بحقهم.. حتى ما بتكون غلطت.. بس بتكون حكيته من الخنقة الي انت فيها..

ببطل حد يشوفك منيح او انه انت الانسان نفسك بس غيرتك الظروف..

فجأة هيك بنسوكل شي حلو عملته عشانهم.. بينسو حكيك.. بنسو تصرفاتك.. بنسو اسلوبك

معاهم.. بنسوكل شي فجأة.. وبركزوع هاي الكلمة.. الشئ الي بدي اوصله انه انت رح تكتشف

انه انت تركت كل شي عشانهم.. هم الي رح يتركوك ب اول الطريق.. هم الي رح يرموك ع الارض..

عشان توقع وتتعلم من كل شي عملته..

وحرفيا بس توقع.. رح تعرف مين معك ومين بحبك ومين بكرهك..

وهون المفروض تكون فهمت.. انه لو ضللت ع الارض احسن الك من انه حد يساعدك..

ويقلك بعد فترة يجي يقولك ويسمعك.. تتذكر لما....

بين هنا وهناك

غلا إدريس

مليت..

وصلت ل مرحلة مممم.. شو بسموها.. اه صح... مليت.. اه مليت..
مش زعلانة من حد.. لا بدى انتقم ولا بدى اواجه حد.. بس انه مليت ..
يعني عادي بتحمل.. بس الي حولي مش مستوعبين فكرة اني بمل وبزهق..
حتى من انه تعتذرلي وتيجي تقول اسف.. الي بعد الف مرة عدت الغلط..
مليت من الزعل.. مليت من حرقة الدم.. مليت من كترما حكيت والقدامي نفس الاسلوب..
مليت من هاد الشئ الي اسمه الحضور الي ما اله طعم (باهت)..
مليت لما ضللت احاول اصلح علاقتي مع الناس.. مش فارقة معاهم..
هاي المرحلة اسوء من مرحلة الزعل.. لانه الزعل خلص ممكن ترضى..
وتنحل الامور.. يعني لسا في امل.. بس لو وصلت لمرحلة الملل والزهق..
انت هون ما بدك حد يراضيك... لانك اصلا مش زعلان.. ولا حتى متعشم ب حد..
ولا حتى الك نفس تحكي بمواضيع حكيت فيها الف مرة.. خلص هيك..
انت ب كل بساطة ما بدك تسمع ولا تحكي.. ولا حتى بدك تحكي عن شي اصلا..
انت تقريبا ومبدأيا خلص اكتفيت من كل شي.. حتى من حالك...

غلا إدريس

الفكرة و ما فيها..

مومين ما قللك بحبك معناها جد بحبك او حتى بقديسك...

الفكرة انه كلمة بحبك صارت ع الطالع و النازل تنحكي.. يعني ممكن تنقال مليون مرة بالدقيقة الوحدة.. وكل كلمة بطلع معاها تعبير بين قديش الشخص القدامك عم بستغبيك..

موكل واحد شافك و قللك كلام حلو مدحك و كبراسك معناها كلامو مبصوم فيه..

بين هنا و هناك

غلا إدريس

عن نفسي انا....

بعترف اني عنيدة في بعض الاحيان.. وبعترف اني بعاند ع الغلط..

صح كتومة بس بمرب شغلات ما بعرف كيف اعبر عنها...

بخليك تحكم علي بالطريقة الي بدي اياها انا.. مش انت..

وقت ما ازعل بهرب من كل شي.. حتى من حالي..

ولا مرة حظيت ببالي انه حكي الناس بريح.. باردة ب طريقة مستفزة..

عصبية بطريقة بخلي الي قدامي يدايق مني ومن طريقي..

يعني مستحيل تتحملني انا وتصرفاتي...

بفكر كثير فوق ما تتصور.. و حرفيا التفكير جاب اجلي..

بنام فوق ما تتصورو.. والنوم ب صراحة هو الي بريحني..

اه صح تذكرت شغلة.. ما بدي اكمل.. لانه لا انت ولا غيرك رح يستوعب كلامي..

ومع هيك احترت كيف الناس مبسوسة وطايرة من الفرح لانها بتعرفني؟

بين هنا وهناك

غلا إدريس

حرب...

اهم شي تعرفه انه اذا انت المكان الي فيه موالك لا تحارب..
يعني حارب مثلا لو كنت ضامن.. تريح قلب.. شعور.. احساس.. او حتى شخص..
بس لا تحارب عشان ولا شي.. يعني لا تخسر حالك.. بكفي خسرت كثير..
خلص اکتفي.. انت اعطيت كثير.. وبدون مقابل.. خلينا مصححين شوي مع حالنا..
احنا بنستني الشعور الحلو.. وبنستني الخطوة الي تمشي ل عنا.. وبدنا نتعب..
انت عم تعطي بدون مقابل.. يا عمي اعطي.. واذا ما لقيت شعور متبادل..
اهرب.. ودورع راحتك انت... احسن ما تكون حمل كثيرع ناس.. او تكون ثقيل..
عليهم.. متلي انا.. عم بهرب من اشياء كثيرة.. ومن بينها اني ما اكون ثقيلة بحياة اي شخص
عرفني..
حاول تهرب لشخص الي بده راحتك.. الي بده سلامتک النفسية والجسدية.. اخسر الكل..
واخسر اي شخص.. ورح تكتشف انك كسبت حالك بالآخر..

بين هنا وهناك

غلا إدريس

الفرق بيني وبينكم..

ترااا كلنا بنعرف نحكي ونرد..و حتى نجرح بالحكي..و بنعرف كيف فينا نكون خبيثين وبالف وجه.. وبنعرف كيف نتخلي.. ونكسروقت التخلي..

بس الواحد بحسب حساب لأي شي مرق فيه معاكم.. حتى لو فترة حلوة..

وحتى لو كلمة طيبة.. بنحط الف عذر لغيايكم.. حتى ما تشوفوا سوء شي فينا..

احنا بنسكت مش لانه احنا ضعاف.. ومش لأنه ما بنعرف نرد...

الشي الي بدي اوصله..

انه قلوبنا ما نبضت بالنجاسة.. ولا حتى تسمم بالخبث.. ولا كان من اسلوب حياتي..

بس انتو قلوبكم وارواحكم.. منقوعة ب مية النجاسة والخبث...

بين هنا وهناك

غلا إدريس

راحتي...

صراحة... في البداية كانت حياتي كلها بتعنيك.. ما كنت اعرف انسى ولا اتخطى اي شي بمر فيه.. حكيت انه بدي وقت لأنسى لأتجاوزالي مریت فيه... لحتى اتعود...

وما رح ادخل ب علاقة تانية.. وصلت في انه كل شي انتهى عشان انت اختفيت..

كنت مفكرة انه كل شي اختفى ب غيابك.. بس بلشت الايام تمشي وتمشي..

والوقت بمرق بسرعة.. حرفيا بطل يهمني غيرراحتي..

مش مهم عندي مين زعل.. ومين لأ.. ومين يرضى..

مين بقرب.. مين ببعد.. مين يحبني ومين يكرهني.. المهم راحتي..

وركزولي على كلمة (راحتي).. انت صح وتمام ياخي..

انت صح وكل الحق معك.. بس ابعده عني وعن راحتي مليون خطوة...

مستعدة انسى اي حد.. اذا كان المقابل راحتي وسعادتي..

بين هنا وهناك

غلا إدريس

تضحيات...

عندي اكبر قناعة انه قدمت احسن شي عندي... ب اي علاقة دخلتها..
من حب.. من صداقة.. كلامي تصرفاتي منتبهه عليهم.. لكلامي مع الناس..
ما بخلي اي حد يحس بالتجاهل من ناحيتي.. ولا حتى بفكر اكسب كره حد
ايام كثير كنت اطلع من العلاقات خسرانة.. خسرانة كل شي قدمته..
بس كنت في كل مرة اكسب شغلة وحدة.. كنت اكسب احترام ل حالي ولنفسي..
عشان هيك.. ما بندم ولا واحد بالمية ع فراق اي شخص..
ولا بتمنى انه ارجع ع حياة اي شخص طلع من حياتي..
لو انت كنت مقدر تضحياتي.. مافي ولا اي سبب ممكن يبعدني عنك..
بس لو انت استغليت هاد الشي.. فنصيبك مني انه اتخلي عنك بكل برود..

بين هنا وهناك

غلا إدريس

تعبانة منه..

بمر عليك اوقات او فترات مش عارف.. اذا انت مهموم او مرتاح او تعبانا...

بتنام عشان تبعد وترتاح.. بتصحى تعبانا ومهموم.. عم بتلاقي حالك هيك كل يوم...

اكثر ما انت بترتاح... في هيك احساس من جواك.. بتحس حالك ثقل ع روحك.. وعلى قلبك...

هيك كمان عم تفقد الشغف الي انت كنت بتملكه.. بتقعد تفكر انت كيف وصلت لهون...

يمكن ما هندك اجابة ل هاد السؤال.. بس الي يمكن انت بتعرفه..

انه روحك تعبانا.. من كل شي ومن حالك قبل ما تكون من الناس..

تعبانة من الهموم الي المفروض ما اكل همها هلا.. وانه عم بفكر فيها ب هيك عمر... تعبانا

من شي اسمه الايام الجاي الي مش معروف لهلا شو مخبية النا...

بين هنا وهناك

غلا إدريس

تعالمي يختلف...

اعطيكم الصافي.. ومن الاخر.. انا اكثر شخص ممكن اكون صبور..

بس يعني لحد معين.. ولما بوصل للحد المعين بقلب انسان ثاني..

بصير انسان بليدة.. خالية من المشاعر... بين قوسين.. غير مبالية..

يعني انت ك بني ادم.. صاحب.. حبيب.. داعم.. شو ما كنت...

بتكون غالي علي وبحبك.. تمام؟؟.. رح اضل اهتم فيك.. اهتم ب زعلك..

واهتم ب رضاك.. وقدملك.. واعطيك.. لحد ما ازهق.. اولحتى انت تنسحب...

بس لما اعطي وما تقدر.. ترا بمل.. لما الاقيك مو مقدر اي شي بعمله عشانك...

بس يعني لما اوصل لمرحلة الي انت تستكتر علي صباح الخير..

لا حد ينصدم.. بخصوص حالي.. لما استنفذ كل طاقتي... لانه ولا يمكن يرجع

شغفي زي اول.. لانه بكون فقدت كل شي.. لانه بكون حطيت كل شغفي بشي واحد..

بمكان واحد.. لشخص ما قدره... هون بغير المكان الي انا فيه.. وبختار حالي فوق اي حد... الي

بعرفه انه شو ما اخسر بالدنيا بضل بالاخير نفسي اول شي..

بين هنا وهناك

غلا إدريس

لحظة ضياع...

في كثير علاقات مریت فیہا.. بس اذکرہا بکرہ حالی فیہا.. ما بعرف کیف دخلت
مع شخص لا بشبہنی ولا بشبہہ... وتراہنت علیہ قدام الكل... وراہنت علیہ...
کیف انکسرت.. کیف تحطمت.. مشان ناس ما بستاہلو.. حتی کلمة صباح الخیر...
شو الشی الی معی کان علی عینی.. وانا معہم.. ولیش نزلت الہم...
بحمد اللہ انه نظفت کل قطعة من قلبي... وصحیت علی حالی منہم...
حتى لو بوقت متأخر... کانو لحظة ضیاع.. قد ما ہی سیئۃ.. وفاشلة...
بتمنی تنذکرو لا تنعاد...

بین ہنا و ہناک

غلا ادریس

ارحم...

موكل شخص عرفناه معناها منيح.. موكل شخص كرهناه معناها سئ..

موكل شخص حبيناه معناها رح نلاقي..

الحياة عبارة عن تجارب.. بدايات ونهايات..

حرفيا لا تحكم على حدا قبل ما تعرفه عن قريب... لا تنخدع ببداية ممكن تكون النهاية

كسر... او عك تكسر قلب حد صانك وحبك..

ترا كلمة وحدة فيك تفرح قلب... وتجبر خاطر..

انتبه ل كل كلمة بتحكها.. لا تحاسب.. كانك انت الصبح وهو غلط..

كلنا من نفس المكان.. ومن نفس الارض.. ومن نفس التراب..

انت ما بتعرف وجع اي حد.. ما بتعرف ندمه.. ظروفه... لا تحكي اوجاعك ل حد..

ما في حد مثل اهلك.. ما في حد مثل قلب امك وحنانها..

الكل بستنى منك الغلط.. بستنى منك النقرة.. عشان يحط عليك نقطة..

كامل طريقكك وراسك مرفوع.. واعرف انه في رب فوق...

رب يبرحم.. رب برمم اوجاعك... خليك انت متل ما انت...

ارحم الناس.. لترحم.....

غلا إدريس

العتب...

ابشع شي ممكن يصير.. يجي حد يسألك.. ليش مبطل زي اول.. ليش ما عم تسأل...

والله في ناس احسن منك... في ناس بتقدر اكرمنك.. في ناس وفي ناس... الخ...

طيب ماشي.. بما انه انت لقيت الاحسن مني... خليك معاه..

ليش جاي تعاتبني وتلومني؟؟؟... حلو العتب الي جاي من المحبة..

يلي هيك بخلي القلب يميل.. يلي بخلي الروح تقرب اكرت...

يلي بقولك.. ميل ع قلبي اذا ما كفاك كتفي....

بس مش انه تجرح وتخلي الشخص يبعد عنك...

في فرق بين العتب... الكسر.. وجبر القلوب.....

بين هنا وهناك

غلا إدريس

مجبور...

في ايام بتمر علينا... بتكون بحالة الله بيعلم فيها... بنعرف قديش هي سيئة..

بيجيك هالشخص ما بيعرف شي عنك... بس بقولك (نيالك)... وهو ما يعرف انه في اشياء
كثير الي هي هاي الاشياء ضاغطة عليك... او شوي لي بزجك..

او شو الاشياء الي كاسره قلبك وكاسره حياتك... ب هيك موقف ما يعرف شو اعمل...
اضحك؟؟ ابتسم؟؟ ابكي؟؟.. لازم اغلب الوقت الواحد.. يخبي كسره وضعفه
بالنهاية لا حد يصدق الي بتشوفوه... لانه هاد كله سطحيات.. ارحمو وتعبننا..

ارحمو انتكاساتنا.. ارحمو وجعنا.. ارحمو قلوبنا.. مش دايم مبسوطين...

اذا ابتسمنا.. ولا مرتاحين.. بس مجبورين نكمل حياتنا.. في احيانا.. بنوقف ع طرف الهاوية..
لحتى نهار.. لانه ضلينا ماسكين اعصابنا.. ب كل المواقف الصعبة..
السخيفة.. المؤلمة.. القاسية.. بكل موقف... اختصرها... ما حد بيعرف...

شو جوا كل شخص.. او شو كل شخص عايش.. او كيف عايش...

كونو لطيفين.. لانه ما حد ناقصه.. كل واحد الي فيه مكفيه...

بين هنا وهناك

غلا إدريس

موبحاجة..

ما بدي حد جديد بحياتي.. يرجع يبصم ب حياتي ذكريات ويحط نقطة بحياتي..

لاول مرة بحس انه لازم اكون لحالي.. هلا بدي اكون لحالي من دون حد..

وما بحتاج ل اي شخص ل حتى يكملني.. انا هيك مبسوفة مع حالي..

رح امشي ب طريقي.. صح انه تأخرت وكان صعب بس..

في النهاية تعلمت كيف اكون مبسوفة مع حالي....

ورح اعيش واستمتع مع حالي.. ما بلزمني شخص جديد بحياتي...

بين هنا وهناك

غلا إدريس

شغلات مريت فيها....

في شغلة بتخلي البننت تعرف قدراتها الحقيقية زي (الصددمات... الخيانة... الكسر)

عشان هيك مقتنعة انه البننت الي بتطلع وبتروح وبتيجي وبتحرت ع حالها..

والايام ماخديتها يمين وشمال.. وبتوقفها وبتوقعها.. وبتكسرهما وبتجبرها..

ما بينخاف عليها لو بتنحط بين مليونون زلة... بالنسبة للبننت الي ما مرت ب وحدة من هدول..

بنخاف عليها تطلع الدنيا لحالها... لانه الي عاشت كل الي حكيتة..

ب كل دقيقة مرت فيها.. رح تتأكد انه الدنيا مراحل.. وفيها الف شكل...

ومليونون طريقة.. ويما رح ضل تمرق فيهم.. لحد ما تصحى وتميزين الصح والغلط.. ورح تميز

بين خير الناس وشرهااا.. وهون ب تكون ب أمان...

قد ما شوفتي ومريتي.. لازم تكوني ممتنة للشئ الي مريتي فيه...

لانه كنتي رح ضلي عايشة ع تزييف كبير.. ومش رح تميزي بين

كلام الحقيقي والمزييف

بين هنا وهناك

غلا إدريس

ازرع...

جريت تترك شعور حلو بحياة أشخاص انت عرفتھا؟؟.. طيب ليش ما تجرب..
لو كان شي بسيط.. لو كان من ريحتك.. من تعاملك.. من قوتك.. من ضعفك..
من حبك.. من حنانك.. ولو شي بسيط.. مش مهم شو يكون.. المهم انه رسم
بسمة امل.. بسمة فرح فيها القلب.. ويعطي سعادة.. هاد الشي رح يرجعلك..
ورح يحيي يوم وتحس ب نفس الشعوري لي تركته عند غيرك..
وكننت انت سبب في انك راسم البسمة ع قلب غيرك...
حاول ب كل يوم انت عم تقضي.. تقدم شي جديد بحياة اي شخص عرفته..
لو كان.. كلمة.. نظرة.. ابتسامة.. او حتى مساعدة..
ازرع.....

بين هنا وهناك

غلا إدريس

بحاجة لكتف ثابت...

في نهاية كل الحديث.. كلنا بنحتاج شخص مميز.. تكون معوانت.. انت وبس
تشيل كل القوة والاقعنة والكبرياء والنفاق والتصنع وتكون معاه انت ع طبيعتك.. تحكي
عن حالك.. عن انت.. عن حقيقتك.. عن شوي يلي جد بكسرك..
تعبك.. سرك.. همك.. وجعك.. لهفتك.. شغفك.. وكل شي.. حتي الشئ يلي بتستني.. وخايف
تحكي عنه.. عشان ما يخرّب.. او ما يوقف.. صاحب بيعرفك.. بيعرف طبعتك.. مزاجك.. انت..
تفكيرك.. يدرسك كأنه مافي غيرك...
يحتويك وقت الضيق.. حتى لو اخدته الايام.. واختلف معاك.. يضل بين كلامك وحروفك..
كلنا بلا استثناء.. قد ما عنا معارف.. وعنا اصحاب.. لازم يكون عنا حد
نرمي حالنا عليه.. نرمي همومنا ب حزنه.. في جهة معينة مميزة عند كل شخص..
ومحتاجين كتف ثابت.. وقلب ما بميل عنا.. حد نقدر نكون بلا اقنعة معاه..

بين هنا وهناك

غلا إدريس

كلكم زي بعضكم..

اقولك يا صاحبي تعبانة من خيبة الامل والظن.. تغيرات من كل شي بمرفيه...

تعبانة من ورا احلام وهي تتلاشى... تعبانة من نظرة الاشخاص...

لحياتي.. مفكرين انها كاملة وفش فيها لا غلط...

انا تعبانة من الف فكرة وفكرة موجودة ببالي.. بس تعرف شو؟؟

ما بقدر احط اللوم ع احد.. ولا ع اي شي.. رح تسألني ليش؟؟؟

ورح تحاول تكون معي.. وتوقف جمبي.. وتساعدني.. ورح تكون معي ب..

وقت ضعفي.. لا تحاول انت واحد من قصص خذلاني.. انت مش مستثنى ابدأ..

كلكم زي بعضكم...

بين هنا وهناك

غلا إدريس

مزاجي اهم...

نحكي شي جديد.. بتغير تغيير كامل.. اذا حسيت انه يلي قدامي ما عاد متل الاول..

ما بكون الي نفس احكي معاه.. او حتى فضول اني اعرف عنه شي..

او اسأله ليش تغير.. عادي بمشي بطريقي.. وبعمل نفس ما عمل..

يعني هي واحد من الاثنين.. يا انه صار شي.. وبهاي الحالة هاي.. تيجي تقولي

ونحكي زي اي اثنين عاقلين... يا اما انت خلص زهقت وحابب تغير طريقتك..

ف بهاي الحالة هاد خيارك.. وبقولك مع السلامة.. يعني مش كتير و اقفة...

عادي بنمشي ب طريقتنا متل العادة... ولا كأنه صار شي...

ف خليك متأكد مش رح تاخذ حيزب تفكيري انه اقعد افكر فيك..

لانه اكيد مزاجي اهم منك...

بين هنا وهناك

غلا إدريس

ماذا لو عاد معتنرا؟؟ ...

يمكن حاول بس ضاع بالطريق وهو جاي ...

عارفين ليش ..؟؟؟ لأنه كثير تأخر... واجى بصراحة بوقت أنا مش بحاجة اله ...

لأنه كل شي تغير... وك إذا الأيام ما بتلتقي بتتوقع قلبي وقلبك يلتقو....

وك إذا أنا بتغيروما بضل زي ما أنا ...

لورجع معتنر...رح يكون كل تغير...والطرق كلها تسكرت ...

والأرقام كلها تغيرت ... صفحات البيضاء يلي كنا نفتحها بكل مرة...حرقتم...

كل الطرق والسبل ... سكرت وتغيرت وانحرقت وانمرت ...

انتهيينا... (ماذا لو عاد معتنرا؟؟) ...

حتى لو عاد ... أنا مش أنا

بين هنا وهناك

غلا إدريس

منيحة..

ناس كتير بسألوني... كيفك؟.. كيف الحال؟؟

وبكون الجواب.. ماشي الحال.. ((تمام)).. بس ما حد عارف ورا كلمة تمام..

اوورا كلمة ماشي الحال.. او حتى كلمة الحمدلله.. مناح... رغم كل العواصف يلي عم بنعيشها

مع حالنا.. رغم كل الاوجاع يلي بنحاربها.. رغم كل الكركبة يلي مرقنا فيها.

شوبكون السبب؟؟ شوالسر؟؟؟..

هلا اكيد يعني.. قد ما ضاقت فينا الدنيا.. ربك بفرجها...

يعني اكيد في اسباب تانية.. مثلا..

بطلنا نوثق بالناس من كتر الخيبات يلي مشينا فيها..

وجربنا نحكي للناس همومنا ما كانوا قد الحكي.. او بالاحرى اهل الثقة..

بالعكس خانونا.. و حكو علينا.. وقعدوا معنا.. وكسرونا.. وصارتعبنا اكبر..

عشان هيك بقعد مع حالي.. وبخلي همومي لحالي لنفسى...

وبقول انا منيحة.. ماشي الحال.. تمام.. والحمدلله... بخير...

بين هنا وهناك

غلا إدريس

وانا مالي...

بتعرفو قديش انا مبسوفة من حالي.. او شو المرحلة يلي وصلت اليها..

مش رح تصدقو قديش..

وصلت لمرحلة تمام.. ما عاد حد بهمني مثل اول.. وبطلت اسأل..

وبطلت احمل هم حد.. لانه ما حد حمل همي.. اعطيكم مثال..

حكيت معي وسألت.. هيني حكيت معك وسألت عنك..

ما حكيت ما بعثت.. صدقني مش اعاا اتبك..

زعلتني.. بكيتني.. كسرتني.. الك الله.. رح ازعل بس ع حالي.. لانه انا ما بستاهل..

بس انه ازعل ع حد.. مش رح ازعل..

واقولك شغلة مهمة.. زعلت مني وانا ما زعلتك ولا غلطت بحقك..

على راحتك.. خد راحتك.. على اقل من مهلك.. مش مستعجلة..

يعني من الاخر.. نزل عندي هرمون.. ان شاء الله ما يزعلو..

وارتفع عندي هرمون... عمرهم ما يرضوا...

يعني بلغتي اوضح شوي...

"خليك حردان.. جعلك ما ترضى.. وانا مالي ومال أمي"

غلا إدريس

وقعت ب اغراء...

ممکن اکبر شي صار بحياتك انك تنخذل من حد.. وهاد الحد كنت انت مفكره بشيهك و
مناسب لا الك.. وبعد فترة بتعرف انه مزيف ومتصنع.. وانه مش لا الك من الاساس
ولا حتى كان المفروض اقرب منه.. او تصارحه ب مشاعرك.. او حتى تفكر انه ممكن يضل قريب
منك.. كل شي كنت متوقعه انت كان مجرد اغراء.. اغراء لا شو؟؟؟

اغراء لتوقع ب مكان غلط... ب مكان مش مكانك..

هون انت مش رح تعرف تطلع من هاد المكان.. ولا رح تقدر ضل معاه..

رح تكمل حياتك.. "زي ما انا كملتها".. ورح تقنع حالك انه الشخص المناسب..

وانه الصح.. "متل ما انا اقنعت حالي انه هو الشخص المناسب وانه هو الصح"

بينما كل شي بدور حواليك بثبتلك انه هو اكبر غلطة.. وانت ماشي فيها..

"متل ما مشيت انا بغلطتي"... وقبل ما تنتهي هاي الحرب يلي انا وانت عشتها.. رح نكون انا و

انت.. انتهينا بمعنى الكلمة... "متل ما انتهيت انا بالضياح"

"معلش خضت تجربة باءت ب ضياح نفسي" خالفوا القواعد ولو مرة.. بس لا تخالفو قلب الام

اذا حس وقال... ((عادي جدا اني فتحت قلبي ب هاي اللحظة))..

((عادي جدا اني قدرت لأول مرة احكي اني ضعت))...

بس خلص الي بعده... لا تتعودوا اني حكيت.. وبس واللهم..

اعرفي كيف تختاري...

في دعوة كانت تحكيها امي دائما وازعل انها تحكي لي اياها..

"ربي يبعثك حد كيف ما لفيتي وجهك ما تهوني عليه"

كنت ازعل و استغرب ليش مثلا ما حكيت.. يبعثك حد بحبك..

مع الايام يلي مررت فيها فهمت معناها..

انه ما يسمحك ضلك زعلانة.. يدافع عنك قدام البشر لو غلطانة..

وبينك وبينه يعاتبك.. ويعمل اي شي عشان ضلك مبسوطه..

يعني بالعربي.. انت سعادتته.. هيك بفهم انا..

*لما بدك تختاري.. اختاري يلي جبرو بجبر قلبك وخاطرك"

ودس عشان امي..

بين هنا وهناك

غلا إدريس

بلا عنوان..

حاليا وبهاي الفترة... انا شخص مسالم.. يعني ان حبيتي ما بهمني...

ان كرهتني كمان ما بهمني.. او بعدت عني او قربت مني

او عملت بلوك... بالله عليك ركزع كلمة بلوك... مش فارقة عندي ب شلن..

حبيت اكون شوي حضارية معاكم... معلىش ...

بين هنا وهناك

غلا إدريس

بلا عنوان...

لما امي شافت ملامح وجهي تعبانة.. عرفت كيف الحيرة والانتظار عم بحرق قلبي.

عرفت انه الكذب والخداع والاهمال السبب...

وقالت... يلي بحبك بيخلق مليون الف طريق ل يوصل الك...

ويلي بده يروح ويتركك أغلاطه وكذباته بتكثر... الفرص بتنعطى

بس لا يلي قدها وقت ما يغلط... وغيرهيك انتي عم بضيعي من عمرك سنين..

وهالشي بمشي مع كل العلاقات.. شو ما كانت معزتها.....

بين هنا وهناك

غلا إدريس

بعوض..

بالفترة يلي بمرفها حاليا.. وهلا.. ولقدام.. ولبعدين.. ما بحكي غير الله يعوضني

عن خيبة امل.. عن كسرة خاطر.. عن وجع قلب... كل هم ع كتفتنا زي الجبال..

وعن كل مرة وقعت فيها مرة ثانية وثالثة..

وعن كل شي كنت افكره خير وطلع من حياتي لانه مش الي..

وعن كل يوم راح.. وكل يوم رح يروح....

الله يعوض....

بين هنا و هناك

غلا إدريس

معلش حتى انت...

روح توصل لمرحلة تبطل تبرر او تفكر تعاتب..

ورح تبطل تحاول تثبت انه انت الصبح...

ورح تعترف انت بالغلط.. مع انه انت مش غلطان..

بس عشان تسكرع الموضوع.. عادي ...

ترا هاي المرحلة بسموها.. مش فارق معي شي...

حتى انت...

بين هنا وهناك

غلا إدريس

حسن الظن.....

كثير بسيطة انه انا دائما بعتر الشخص يلي قدامي انه انسان كويس وصادق ووفي..

لحتى تبينلي الايام او المواقف عكس كل هاد الحكي...معلش بتستخدم ب قاموسي ..

" حسن الظن".. يلي جد بشتري فيها راحة بالي وهداوة قلبي...قبل ما اقلق فيه...

ولما ينثبت هاد الحكي..بكون هيك جد شريت راحة بالي بكل راحة...

وبعدها ببيع الشخص ويلي كذب الكذبة وصدقها... مع بعض

بين هنا وهناك

غلا إدريس

بلا عنوان

ما في احساس احلى من انه انت تنام ومرتاح ضميرك..

انه مش ظالم حد بحياتك...ومو متخلي عن حد...

مو كاسر خاطر حد...مولاوي قلبك حد...

ولا حتى فكرت تترك حد بنص الطريق..

ولا حتى فكرت تأذي حد..ولا حتى فكرت تجرح حد..

شعور كثير حلوانه تنام وانت واثق ومتأكد بأنك كنت سند حب ...

لكل شخص احي طلب يسند ع كتفك وقدرت طبطب عليه...

فكرت نام مظلوم ولا تنام ظالم....

بين هنا وهناك

غلا إدريس

اخسر لتكسب...

احيانا..بصراحة مش احيانا..دايما لازم نخسر شغلات..لحتى نكسب شغلات...

نخسر شغلات غالية...مع الوقت بنكتشف انها رخيصة...معلش تعودو...

وحتى ما يكون اله قيمة..بس للاسف احنا كبرنا..وعملنا اله قيمة...

خلينا نخسر ونكسر لنعرف كيف نسند حالنا..

ونكتشف انه احنا اقوى من دون هاي الناس..

لازم جد نعرف انه الخسارات حرفيا..مكسب...

بين هنا وهناك

غلا إدريس

اتغير عادي....

بعمرك ما تحكي عن حد منيح او عنك...

احكي انه كان منيح معي هلا و اليوم... صدقوني والله النفوس بتتغير...

و حرفيا المحبة مؤقتة... والناس أغلبها او خلينا نحكي كلها...

بتتعامل معك حسب احتياجاتها ومزاجها.. بتحبك بيوم وبتكرهك ب عشرة..

هاي حال الناس... واذا غلظت معاهم مصيبة والله... بنسو يلي كنت تعمله عشانه..

و بتزكرو غلظ بالغلظ انت عملته.. و بنية صافية...

يلي بده يتعامل معك حسب مزاجه.. صدقني ما انت بحاجتهم...

و يلي بتغيير معك بدون سبب.. بكل بساطة عادي اتغير عليه.. و بيعه ببلاش..

لا تتضايق.. ولا تزعل.. اتوقع كل شي هاي الايام...

حتى مني انا.. ممكن ادير ظهري و امشي.....

بين هنا و هناك

غلا إدريس

من حقي...

انا ما ببعده تلقائي..وما ببعده هيك..عشان انا بدي ابعده...

ببعده لما احس بالاهمال...التطيش... واذا ما كان ماي اهتمام...

بحس انه احسن شي انها هاي العلاقة تنقطع...

لانها اساهها غلط.. انبنت على غلط... ورح تفشل.. ورح ينهدم كل شي بنيته..

ف من الاساس انا يلي بقطعها وبهدمها وبخلبها تفشل...

وبخلص من وجع القلب وكسرة خاطر.. وشعور الخذلان... و...و...الخ...

ومن الفلسفة الزيادة..والحكي الفارط وتضييع الوقت.....

فيينا نحكي يلي بعده...

بين هنا وهناك

غلا إدريس

ما تقبل تكون لاعب احتياط..او تكون (طرف ثالث)....

لا تقبل تكون اخر الحلول ...او تسمح لحد يحطك ع الرف احتياط...

انت بتستاهل عالم خاص الك...بتستاهل تكون ب اولوية الشخص يلي بستحق ...

بين هنا وهناك

غلا إدريس

لا حد يسأل..

مبدأيا..انا في قمة برود المشاعر..وقمة البلادة..وقمة اللامبالاة..

مافي شي ممكن يأتري علي بعد هيك..

مش رح اتمسك ب حد..مش رح اقعد اجامل ب حد..

ولا حتى رح اخاف من اي كلمة رح احكيها..

السواد يلي تحت عيوني دافعة حقه..التعب يلي انا فيه بعد جهد..

دافعه حقه...دافعة حق كل شي لا اوصل لاهاي المرحلة..

دفعت كل ما عندي من حب واهتمام ومشاعر...

عشان اوصل لاهاي المرحلة..يلي بده يروح يروح..

ويلي بده يضل يضل..ف نصيحة..لا حد يسألني..

" ليش انتي هيك "...لانه دافعة دم قلبي لا اوصل لاهاي المرحلة...

لانه فش حد كان معي..ب سيناريوتاع حياتي..اوحتى ما تحت الأضواء...

بين هنا وهناك

غلا إدريس

في شي اسمه وفا...سامع عنه شي؟...

حرفيا..بدي احكي كلام كثير مهم..

الحكي لكل شخص دخل حياتي وطلع منها او ضل فيها..ولكل شخص فكر يطلع منها..

لو جد جد تعرفو كمية الحب والمعزة يلي انا اعطيتكم اياها..وزرعتها في قلوبكم..

رح تدعو الله كل يوم..وبدل ما تصلو الصلوات الخمس..

تصلو صلاة العشرين..(بمعنى صلاة التراويح)..روح تسجد وسجدة شكر وحمد لربنا..

على انه كنت بحياتكم..لو قعدتو مع حالكم..وشوفتو كمية الخوف يلي عملتها عشانكم..

وكمية القلق يلي عملتها عشانكم..او حتى خوفي وحيي عليكم كل دقيقة...

رح تحمد ربك تحت اسمي..كل يوم كنت انا بحياتك فيه...والله انا يلي رفعتكم..

وصورتكم..واعطيتكم..وحتى وثقت فيكم ثقة..وحيات عيونكم اقرب الناس لكم..

ما اعطوكم اياها...

ومتل ما قال " وائل كفوري"

(في شي اسمه عشرة حلوة سنين وايام..ما بهون بعمره الا ع ولاد الحرام)

بين هنا وهناك

غلا إدريس

مستوى واحد..

رح يمر عليك ايام.. وفترة.. يغيب فيها لمعة عيونك يلي الناس تعودو يشوفها..

ورح يجي يوم ويروح توهجك ونورك.. وتحس بانه انت جد خلص انطفيت..

وما عند القدرة عشان تساوي اي شي... ولا حتى تتصل مع حد.. ولا حتى تتواصل مع حد..

وشي طبيعي جدا انك انت ضيع ل فترة من الزمن..

بس يلي مش طبيعي.. انك تكون على مستوى واحد..

بين هنا وهناك

غلا إدريس

فييني احكي شغلة؟؟

ب يوم وليلة بتغير حالك..بتقلب حالك من كلك ع بعضك تمام
ل واحد بنهد حيله ب يوم.. كلك صحة وبيوم وليلة بتقلب مرض..
كلك قوة وبيوم وليلة بتقلب ضعف..
بدك مين يسندك؟؟ بدك مين يكون قوتك..
ما حد في يحمل مرضك.. بس فيه يحمل شوي عنك وجعك
هي حال الدنيا..مش رح تقدر تحمل مرضك يلي انت حرفيا..كلك صحة..
ربنا ابتلاك ل يعرف مدى صبرك..ربنا ما ببتي عبد الا لانه بحبه..
ومرضك هاد.. ووجعك هاد ربنا رح يغير حالك ب يوم وليلة
كلك صحة وبيوم وليلة كل مرض...

بين هنا و هناك

غلا إدريس

أبكيت يوماً؟

هناك أسباب تجعلك تبكي لا علاقة لها

ب الكسرو والخيبة أو حتى بالخذلان...

تبكي لأن قلبك أوجعك بشكل مفرط...

من الأفكار التي ملأت رأسك..

ولأنك تفكر ب كل شيء...

ولأنك تفكر ب كل شيء ولأنك تعبت من التفكير..

وتبكي لأنك لا تستطيع التعبير عن شعورسكن داخلك...

ولا تستطيع التفريط ب ذاك الشعور...

أبكيت يوماً..

بين هنا وهناك

غلا إدريس

بلا عنوان...

لما حد يجي يعتذرلك أو يوضح سوء التفاهم

يلي صار بينكم هاد مش اسمه ضعف..

هاد للأسف دليل أنه بحبك ومش حابب يخسرک..

لأنه بس حس بالندم.. وانه كلف حاله.. وما خلاك زعلان..

واجي طيب خاطرک.. هاد لحاله كفيل انه يبينک

انه زعلک فارق معاه.. وانک ما بتهون عليه..

ويا ريت حد يقدر....

بين هنا وهناك

غلا إدريس

الحق قلبك...

في أشياء كثير بتقولك خلص وقف حب..

وانت مش بحاجته.. لما تحس أنه اللهفة ما عادت زي أول

وأنه كل شي صار ينطلب.. لما صار الاهتمام بدافع انه هاد واجب عليك..

موبدافع الحب.. لما تصير تستنى رسالة (حبيبي تصبح ع خير)

وكل يوم حجة أنه ما سأل ولا بعث ...

لما بكل عجقة يلي بمرفيها بالنهار بكل يوم..

وما تكون ولا يوم انت العجقة..

ولما قلبك يحس انه هاد الشخص مش نفس الشخص يلي عرفته..

نصيحة!!!!!! جد جد!!!

صدق قلبك والحق قلبك شوبحي بهاي الحالة...

لأنه الاحساس يلي رح تمر فيه ما احى من فراغ..

بين هنا وهناك

غلا إدريس

سراب قدر...

حياتك ممكن تنقلب ب تلفون واحد ..

بتحليل معين ... ب كلمة من أي شخص ..

تصحى و كلك مرض و أنت مش عامل حسابه ..

ب مقابلة شخص بتحبه او بتكره ..

لحظة بس .. ب طرفة عين ..

كفيلة إنها تخليك تلف حوالين حالك مليون مرة ..

شو ما كنت مخطط و عامل و مسوي و مرتب ...

شو ما كان ... ب أي لحظة فيك تصحى و يكون فيك ...

مليون عيب .. ألف علة .. مية وجع ...

الحياة كل يوم بتقولك فش شي مضمون فيها ..

غير .. دعاء ل ربك .. سجدة صلاة .. و لقاء ربك ..

بين هنا و هناك

غلا إدريس

احساس مطفي ...

عندي احساس اني فاضية..

فاضية تماما وعلى الاخر... كل يلي جواتي فراغ ب فراغ ...

وبكل مكان مني ومن داخلي طريق مسدودة ...

ما بفكر ب شي.. ما بستوعب شي ..

يمكن كل هاد فترة وبتمشي وبتمرق وبتعدي ..

ويمكن صراحة من كتر الصدمات يلي مرقت فيها بطلت تفرق معي ...

ما بعرف شي.. مش حاسة ب شي... ما عم بفهم شي..

بس الضويلي كنت أشوفه ب آخر النفق فينا نحكي بطل يبين ...

بين هنا وهناك

غلا إدريس

هلا في شغلة لازم تعرفوها...

انه الوجة ما بنقاس ب الاسباب ... بنقاس بالاثر.. وكم قعد .. وقديش قعدتي ..

لا تطلعي من هالوجة ..

أنت ك شخص عارف وباصم الشئ يلي سبب الجرح ويلي جرحني...

بين هنا و هناك

غلا إدريس

سلمها...

يعني اذا كان الك نصيب ب شي .. رح يكون الك لونص الامة وقفت ب وجهك..

واذا ما كان من نصيبك رح تخسره لو قعدت معاه سنين وعمر....

الصعب ممكن ينقلب ب لحظ سهل ..والسهل بقلب صعب ب دقيقة ..

والمستحيل بقلب ممكن ب ثانية ...

فش شي اشي رح يتأخر... وفش اشي رح يروح عليك ...

كل يلي طلع من حياتك ما كان المفروض يضلوفها ...

لانه هم مش من نصيبك .. يلي مكتوب انه يضل ..رح يضل

رح يضل بالوقت والشكل واللحظة المناسبة ...

يعني اترك كل شي ع الله سلمها لارك ..

بين هنا وهناك

غلا إدريس

شخص معين....

قبل ما احكي رح اتهد تهنيدة طويلة وراها مليون كلمة ...

مين فينا ما عنده شخص معين ب حياته؟؟

بكون كفيل انه يختصر كل شي ب كم كلمة وكم حرف ...

ويختصرو وجود الناس بحياتك..

غيابه عنك بفرق عنك كتير بحياتك .. بخلي كل الناس تختفي من حياتك ..

تضحك و انت بعز نكدك..و على أبسط الشغلات..

حتى و انت معه .. حتى لوع شي تافه...يغير مزاجك و مودك ..

واثنين و عشرين مليون ألف درجة ..و أنت ب عز نكدك و همومك و قرفك ..

حتى قلبك يعني هيك ... خلص ... ما برتاح الا معه ..

وهو موجود .. بكفي انك تحكي معاه بدون خوف او حتى تفكير..

بكفي انه بتحملك حتى لو انت كنت ثقيل عليه .. وعلى قلبه ...

بكفي انه هو سند الك .. والأهم انه ساند قلبك ع كتف متحمل منك شغلات

أنت أصلا مش فاهمها ولا عارفها ... ومع هيك بهون عليك شخص واحد بس ..

هالشخص بكون كفيل أنه يغير حياتك ... بمعنى الكلمة ...لما يجي ويحكيلك .. أنت أحسن شي

صار بحياتي غلا إدريس

ونعم بالله...

الشخص يلي انت عليه هلا..وبالذات جهاد الوقت ...

وشخصيتك هلا وقوتك ونفسيك ...

كله هاد حصاد عن أيام انت مریت فيها ...

وشوف كم مرة وقعت وكم خسرت وكم مرة انكسرت...

كل الثقة يلي انت هلا بتملكها كان من وراها دفع أيام ...

والشي يلي انت صرت عليه هلا ما اجي من فراغ

وفي كم مرة قلبك انجرح ... وشوف كم مرة مریت واكلت كسرة الخاطر...

وأخيرا وصلت انت لمرحلة تلبد القلب وبطل يحس ... وأنت صرت بليد مشاعر..

شو ما كانت الأيام يلي مریت فيها ويلى رح تمر فيها هلا ...

رح تيجي أيام أحسن بكتير من هاي الأيام.. وكل فقدان أمل رح يخليك أقوى من أول ...

بس خليك متذكر انه الله معك وين ما تروح...

بين هنا وهناك

غلا إدريس

اختفي..

وانت بتفكر انك لازم تختفي..وبتكشف انه انت بحاجة لشخص انه يدور عليك..

شوفت هاد الكلام وحسيت وعرفت قديش هو صح ...

احنا ما بنحب نخفي من حياة اي حد....لانه احنا بدنا اولانه ((لحالي أحلاي))..

ماشي انا بتفق انه الوحدة حلوة..بس مش ب كل الاوقات...

لما تكون مكسور وباجة لاكتف تسند حالك عليه...ومحتاج كلمة ترمم كل شي

انكسر جواتك.. بس يكون الشئ من الشخص الصح ...

بالنسبة الي ببعد بس لما احس انه المكان يلي انا فيه ما بلبقي ...

لانه بحس بالبعد بحفظ خط الكرامة.. لما وجودنا يصير متل عدمه ...

((فينا نحكي يلا الي بعده معلش .. شكله قعدتنا مطولة))

بين هنا وهناك

غلا إدريس

بلا عنوان..

في كل مرة انكسرت فيها ووقعت فيها..كنت اقول هاي نهاية الطريق...
في كل مرة فقدت فيها الأمل .. كنت اطلع منها ب طريقة ما كنت متخيلتها ...
في اوقات انت بتمر فيها بتفقد الأمل ..تذكر انه الله معك ..

للتذكير بس

بين هنا و هناك

غلا إدريس

رح تكبر...

انت رح توصل لمرحلة تتنازل فيها عن كل شي ...

رح تخسر كثير شغلات و ضحي ب كثير شغلات...

رح تبكي كثير و من دون سبب .. و من دون ما حد يحس فيك او يعرف ...

رح تبكي على اتفه الاسباب .. لانه ما ضل فيك حيل تتحمل ضغط ...

رح تحكي عن جزء من الشغلات يلي انت مریت فيها ..

و رح تجبر حالك تخبي شغلات كثير ... لانه حتى الحكي ما عاد ينفع ...

ع قد ما مریت ب أيام حلوة ... صعب تنسى العقبات يلي انت مریت فيها

و تجاوزتها بصعوبة .. سواء كانت ...

خيبة أمل .. ذكريات سوداء ... كسرة خاطر .. خيانة قلب أبيض ..

مشاعر باهتة .. عتاب مليون .. شوق كاذب ... حب من طرف واحد ...

تهيدة .. خد نفس .. اصفن شوي ... وقف على رجلك ... تهيدة تانية ...

رح تكبر .. و رح تحقق كل حلم سعيت عشانه ... رح توعى ...

رح تسعى ... رح توقف على رجلك من أول و جديد ...

تجاوزت ب صعوبة تهيدة

غلا إدريس

غفور رحيم ...

وعدتك اني ما اتركك ...

وأضل معك ب اخر الطريق ..

وحلفت ب ربي ... اني ما اترك ايدك ..

وأضل ماسكتها ...

حتى لو الدنيا كلها تخلت تتذكر؟؟؟

بس لما انت تتغير... وتبطل زي أول ..

وتحكي معي رفع عتب ..وتستكثر نفسك علي ..

أنا هون بخون وعدي وعهدي ..

وسحب كل يمين حلفته ..

وبصراحة ... ربنا غفور رحيم ..

ويقبل التوبة النصوحة

بين هنا وهناك

غلا إدريس

انساه...

انا ما انخلقت عشان أكون سد فراغ بحياة أي انسان ..

حط ببالك انه لو كنت انا في حياتك ...

يا بكون الأولى ب حياتك ... واهتماماتك ..

يا من الأساس ما بكون فيها ...

شغلة إني أكون بحياتك ... وأهلك صحي عشان أصير الأهم بحياتك ..

أوضحها شوي ... " وبلغتي أنا " ..

ما عندي استعداد أخسر من عمري ثواني عشان أكون بحياتك الأولى وأكون فيها رفع عتب ..

نصيحة شيلها من ببالك أني أحارب ... وأحارب لأجلك ...

ف إذا بتفكر أني ممكن أحارب عشانك ...

إنسها ... ما انخلقت انا عبثا ..

بين هنا وهناك

غلا إدريس

شو حلوو...

الي بتصحى من الصبح عشان تطلع ع شغلها ..

و بتقعد من الصبح ل اخر الليل .. وهي ب شغلها ...

مش رح تكون مثل يلي بتصحى وقت ما بدها ..

يلي بتتعب عشان تاخذ القرش .. مش زي يلي بتاخده ع الجاهز المستريح من البابا ...

يلي عملت حالها و طلعت سلم خطوة خطوة .. عشان توصل النجاح ...

و طلعت عن مليون ألف زلّة ... طول ما هي عايشة مش رح توقع ...

و اذا وقعت مش رح توقف .. ولا حتى تستسلم ...

الحياة بتعلم ... الناس بتعلم ... الشغل بيعلم ..

حتى الشارع بيعلم ... المرمطة يلي مريت فيها كمان بتعلمك ..

ما أحلى طعم النجاح .. بس تمر فيه بعرف ألف تعب و تعب ...

و تشوف تعبك لوين وصل و كمية النجاح يلي رح تمر فيها ...

شو حلوبس تنجح ... و غيرك يتمنى نجاحك ..

شو حلوبس تشوف تعبك و غيرك يتمناه ...

غلا إدريس

استيطان مرض

ألم أخبرك يوماً أنني قد حملت فوق طاقتي؟؟؟

ألم أقل لك أن داخل جسدي حروب قائمة... و حروب بين العقل والمنطق...

ألم أقل لك أن هناك مرض داخلي قد امتلك عقلي وسرق جسدي...

وهلكت صحتي... ألم أخبرك كيف أعاني وأنا أهتف ل علاج روحي الباهتة...

أتيتك اليوم وقد ملأني الثقل ب روحي..

سامحني فقد عجز لساني عن النطق ما يسكن حقا ب جسدي....

بين هنا وهناك

غلا إدريس

بيني وبين الثقة شعرة...

لما تحس انه في شي غلط عم بصير..بكون جد في شي غلط ...

لما توصل لمرحلة وتحس الشخص يلي قدامك بكذب عليك ...

وأنت مش مصدقه ... كون متأكد انه بكذب ...

لما تحس أنه الشخص يلي بنيت ثقة بينك وبين الناس متغير...

شو ما حالك او حتى بررلك ... كون متأكد انه متغير...

عارف ليش؟؟ لأنه قطع شعرة الثقة يلي انت كنت منور طريق حياتك فيها ...

وكنت انت تحكيه (بيني وبين ثقة الناس شعرة) ...

لأنه كان يقولك اختفي عن كل الناس الا عني أنا ..

وكنت تقوله ... خاقف توثق وتنكسر لأنه ما حد باقي لحد ...

كان يقولك ... أنا مش الناس... أنا مش هم ... ما تجمعيني معهم ...

لأنه كان يقولك أنا معك اذا الناس ضدك ...صدقني بعد تجربة ...

قلبك اذا نقر..وحس بشعور غريب ... اركض ورا احساس قلبك ..

لأنه يمكن قلبك حاسس ب شي أنت ما بتعرفو...

احساس القلب ب الثقة صادق ... بعمرک ما تكذبه ...

إذا ب يوم من الأيام تغير تعاملي معك 180 درجة ...

ما بهمني...

و خليتك تطلع من حياتي ...مش معناها إنك عملت غلط كبير بحقي ...

أو أنني حتى كرهتك ..لأ..

أولاً .. أنا ما انخلقت عشان أكره حد ... أو بالاحرى أنا موقد الكره ...

ثاني شي .. ما بهمني أجمع أرقام بحياتي ...وأعد صحاب بحياتي ...

ما بهمني تكون رقم 100 ب حياتي ...ما بهمني تكون أول حد بشوف ستورياتي ..

بهمني تكون داعم الي بحياتي وتعطيني positive energy

وتكون أول شخص بفرحلي ...وبلاقيك وقت نجاحي ...

وبلاقيك وقت تعبي و مرضي ووجعي

بهمني جد يكون اسمك محفورب حياتي ...موبس اسم مرع الذاكرة وخلص

ومرمرور الكرام

حطها ببالك I don't care

بين هنا وهناك

غلا إدريس

" تعبت وانا تعبت اضل اداري فيك وبحبك انا..

ضيعت الناس بطريقي ل لاقيك

خابت كل ظنوني فيك يا جرحي ياناس "

حاليا بهاي الفترة...أنا زي أغنية الأخرس " اخر الناس "

في راسي ألف شي وشي ...ألف فكرة وفكرة ...

مش عارفة من وين أبلش ... عشان الآقي حل لكمية الفوضى يلي انت حطيتها فيني وروحت ...

كمية الأحلام يلي مزروعة جواتي ... عبارة عن فرح زعل خوف عتاب خيبة

أوف ألف شعور بالثانية الوحدةلا عقلي ولا مشاعري قادرين يخففو علي....

مش عارفة أركزع شي ...لأ ...

أبدا مش مرتاحة ... أقولكم شي ...

((عارفين شعوري يلي بسيطر فجأة عليكم..مش عارفة كيف أوصفلكم اياها.....))

بس جواتي بلد قايمة ع حرب عشان السلام ... لا قلبي مسيطر ولا عقلي قادرينجز...

أغلبكم عايش هاد الشعور.... أنتو فسروها...وبس ... نروح لا يلي بعده أحسن صح ؟

غلا إدريس

عارفين شعور حب من طرف واحد يا الله لو أقولكم قديش صعب ... وقديش جد بأذيك...

يا الله قد ما احكي عنه مش رح اعطي حقه ...مريت بحب من طرف واحد ... وما قدرت أقوله
بالمرة ..لأنه مش حلو تيجي تحكي شعورك لشخص انت بفكر فيك ك مجرد صديق بس لا أكثر..

ولكم في غصة بالقلب .. وفي خيبة أمل يا الله شو شعورها ..

عارفين وين المشكلة جد أنه هو اختفى مش أنا ...

كنت دائما اقول بدي اختفي واختفي ..وضليت وأنا عارفة اني رح انخذل جد ..

وكان يقول لي اختفي عن كل الناس الا عني أنا ...

ضليت لأنه مش أنا يلي بختفي من دون تبرير...طيب ليش هيك ??? عادي جدا انه تيجي تحكي

أنه خلص لهون وبس .. يلا انتي بطريقك وأنا بطريقي ...عارفين وين المشكلة كمان ...

أنه مع الأيام الجاي .. كثير رح أشوفه .. وكثير رح أصير أتعامل معاه .

أوووووووف يا الله بس ... يا ريت اختفيت بس صحتلي فرصة اختفي ...

شعور الخذلان يا الله شو شعور جد جد صعب أوصفه بكلمة او بكتاب ...

او حتى الكم عارفين دائرة الثقة ... يلي حكيت عنها قبل هيك ... (بيني وبين الناس شعرة)

الحمد لله انقطعت ... وحياتكم لو بتجملو حالكم قدامي .. وبتصورولي حالكم كملائكة ...

أنتو أنتو بشر ... اسمكم بشر ... ما بتتغيرو...

مرت فترة علي الكل بحكيالي ...

مالك متغيرة؟؟ مع كل يلي حوليكي .. ليش صرتي هيك؟؟

شوفي؟؟ شويالي غيرك؟؟ ...

باخر فترة مریت فيها...كنت دايمًا الشخص المنيح ...

يلي ما برفض طلب لأي شخص ... حتى لو كان غريب ...

بهاد الوقت .. بطل فيني حيل ... ما عندي طاقة أقدم أي شي لحد...

جد وصلت لمرحلة... لا هي ملل ولا هي قرف...

هي بس عبارة عن مشاعر داخلة ببعضها لا معروف منها الصبح ولا الغلط ...

وبالذات بهاي الفترة ... كفيلة لتخليك تشوف مين رح يكون معك بعز تعبك ...

ومش رح تهون عليه ... كيف ما كان تعاملك معاه....

بين هنا وهناك

غلا إدريس

رحم الله امرء عرف قدر نفسه..

ممکن الحکی یلی بدي احکی رح تحسو مبالغ فیه ... بس لأ .. جد جد...
ما حد بالدنيا كلها خسر أشياء كثيرة قدي... ما حد وقع مليون مرة زي ..
بس بكل مرة كنت أوقع فيها ... كنت أوقف.. تعايشت مع خيبات وخسارات ...
بعمري ما توقعت إني ممكن أسمحها تتعايش معي وتدخل على حياتي
انحطيت ب مو اقف وضغوطات كانت أعظم من أني أتحملها ...
ف ما حد يفكر... انه بالوقت الحالي ... ممكن أي خسارة تهزني ...
ولا حتى تفكر تتحداني ... يلي بتعامل معاها تربت ع التعب والشقى...
واهم شي ع السواد يلي تحت عيونها ... أنا ما عم بتباهي بالعكس ...
كل واحد عارف حاله وقدره منيح...
وأنا عارفة قدرتي ... <3

بين هنا وهناك

غلا إدريس

تحت أي بند يعرف الحب؟؟ ...

فينا نحكي عن شي خارج كل الموضوع....

لا تحاسبني على ماضي... "أنا نسيتته" أو "تخطيته بصعوبة"

ولا على شي أصلا.. "أنا ما اخترته..."

لا تيجي وتحكي على من موقف... "أنا انجبرت أكون فيه" أو "انفرض علي غضبا عني"

ولا تحطني بمواقف... أنا بغنى عنها..."

أعطيك اياها من الاخر....

اتركني بعيوبي ومساوئي.. اتركني ب كل شي عاطل فيني...

وخليك انت بدائرة "الحياة المثالية"

بين هنا وهناك

غلا إدريس

بعد هيك...

انا حد كتير عندي مشاعري بقمة اولوياتي...

ومستحيل اخليها تهون ع حد لو كلفني الشئ انه ابعده عن كل البشر...

بتحمل مرة عشان الخبز والملح ... بتحمل عشان المودة والحب ...

بتحمل عشان انا خايفة على هاي العلاقة ...

وبتحمل ثاني مرة عشان العشرة ... وبتحمل عشان كل دقيقة عشتها معك ...

بس بعد هيك فش ولا سبب يخليني اتحمل اي شئ ...

ترا لو خسرتك ... عادي ... المهم اريح حالي ...

هاد الشئ يلي ممكن يحميني من كل لحظة ندم ممكن اعيشها ...

عشان هيك ... لو شوفتني بتنازل عشانك ...

اعرف انه في اسباب مخليتني استحمل وجودك في حياتي ...

وكون متأكد لو تخليت عنك ... اني استنفذت كل الاسباب يلي بتجمعني معك ...

بين هنا وهناك

غلا إدريس

وبس والله....

احلى شعور جد جد... لما انت عارف وقادر تكسرهم...

بس بنفس الوقت ما بدك شي يجمعك معاهم...

لما تكون عارف انهم عم بمثلو عليك وتاركهم براحتك... وعارف وفاهم السيناريو...

احساس عظيم وشعور بجنن... لما تشوفهم غرقانين ب وساختهم ونيتهم الوسخة...

بس انت طلعت من قذارتهم.... لانه قلبك صافي...

قادرين ناذيكم... وقادرين نقلب حياتكم ونخلي عيشتكم سودا....

بس والله العفو عند المقدرة....

بين هنا وهناك

غلا إدريس

دفعت صحتي...

في جواتي شغلات...مش قادرة انساها....

ولا قدرة اشرحها...ولا قدرة احكيها....

لانه لو شرحتهم ما رح تفهم..... وحتى لو حكيتها مش رح اعرف اشرحها...

بس هاي الشغلات واضحة على وجهي...

على هيئة.. ملل...كآبة... انكسار... خذلان...حزن.. خيبات...

اوصلها بطريقة بسيطة... عارفين التعب يلي بتغرق الروح من وراه...؟؟

وصعب نطلع منه... هاد يلي صاير معي...

الوقت هو هو...الايام هي هي...الروتين متل ما هو... فش تغيير...

الأشخاص يلي كنت مفكرة انه رح يضلو عمر... بفترة قصيرة اختفو...

كل شي صعب مش قادرة اوصل ل شي...والأسوأ من هيك... (ما حد حاسس فيك)

الكل مفكر انه الحياة سعيدة عندي... وانه الدنيا مفتوحة بوجهي....

وما حد عارف بعد كل نجاح الدنيا بتسكر بوجهي...

والشي يلي وصلته... دفعت سنين عمري عليه....

بين هناك
غلا إدريس

أهلا وسهلا....

بكل حياتي مررت ب مواقف وشغلات خلتنى اتغير 180 درجة ...

واكلت هم كثير مو اقف.... وكنت أحس انه ممكن تخرب حياتي ...

إذا ما عملت يلي بدى اياه ...

بس لما طلعت من متاهة (طرف ثالث) عرفت انه حياتي عم بتروح هيك عالفاضي ...

بدون ما اعيش يوم ب يومه.. او أعيش لحظة بلحظة

كانت حياتي مليانة .. خوف ورهبة ورجوع الف خطوة لورا

هلا يمكن تجاوزت شغلات كثير... بس بضل خايفة من الحياة لوين رح تاخذنا ...

ومن مستقبل مخبى وفي الغاز وخيبات وتوقعات ما كنا حاسبينها

إذا الشئ الجديد رح يضيف على حياتي متعة وتغير نفسية وحب موجود

ف أهلا وسهلا غير هيك لفي وارجعي يلي فيني بكفيني

بين هنا وهناك

غلا إدريس

لا تتصنع ...

في أماكن كنت أمشي فيها ... كانت تمسح شخصيتي وتمسح مشاعري...

وشعوري بالحياة ... وشعوري بكل لحظة تفاعل ...

كنت ماشية بطريق عارفة انها غلط وما كنت حابيتها ومشيت فيها ...

وكنت بعرف ناس .. عارفة انها الناس الغلط... وعارفة انه وجودهم

مسحوا وجودي ... حسيت انه لازم اغير كل الطريق.. وكل طريق دخلتها ...

بعد تجربة كنصيحة

" لو حسيت انه المكان ما بلبق ل قلبك انسحب "

" اهرب ضلك اهرب حتى توصل لنقطة ربط بين روحك و نفسك "

" ابني طريق ل شخصيتك وافكارك "

ونصيحة اجبر الناس على التعود على شخصيتك الحقيقة ..

" لا تتصنع " .. " لا تتصنع " .. " لا تتصنع " ...

بين هنا وهناك

غلا إدريس

قدروا...

لما شخص يتنازل عن كل شي عشان سعادتك... قدره ...

لما شخص يترك كل الناس ويتقرب منك ... لا تخذله.. مش ناقصه ...

لما شخص ينشل قلبه من الكسرو يحيي ل عندك ... لا تكسره ...

لما شخص يراهن عليك ب كل شي ... لا تخسره ...

يا جماعة ما بتفهو قديش الواحد بدخل بضغوطات...

قدام حاله وقلبه ... لما يجي الوقت ويقرر يدخل حد بحياته ..

بعد مية الف من الانكسارات والانخذالات يلي عاشها قبل هيك ...

" معلىش بعينكم الله .. قدروا ولو مرة بحياتكم "

" قدروا الاهتمام والحب والتنازلات حتى لو ما شوفتوها "

قدروا الاهتمام يلي بطلع من روح تحملت فوق طاقتها وحملت فوق قوتها ...

لأنه فش حد مكسور ممكن يكسرك..لأنه عاش الخذلان والكسر....

بين هنا وهناك

غلا إدريس

نحكي شوي عن رهان دخلته ???

انا ما راهنت ولا لعبت ولا دفعت ولا اي شي بخص الرهان ...

غيراني كنت الرهان بحد ذاته ... غيراني كنت بحياة شخص كنت الرهان ب اصوله ..

تراهن علي ... وبمبلغ وقدره...

شعوراني اكون رهان بحياة شخص كنت مفكرته كل شي ..

بصراحة لو شو ما احكي .. مش رح اقدر اوصف شعور بس اكتشفت انه كل الحب

والمشاعر يلي عشتها ... كان لعبة ورهان .. وكذب وتصنع ...

وصدق وائل كفوري ب اغنيته

" ها الحياة كثير بتغري ..كوكبنا بيلف وبيدور ..وبدك يانا نمشي دغري ..ونخلي الطابق مستور"

(حرفيا خلي الطابق مستور)

بين هنا وهناك

غلا إدريس

كيفك...

رح توصل ليوم تعوض فيه كل شي راح من حياتك ...

رح تتعوض عن كل شعور سيء انت وصلته و عشته

عن كل لحظة مرقت فيها وتمنيت عدم وجودك فيها ...

رح يجي العوض ..بوقت انت بتكون فاقد كل الامل بالتعويض ...

لوما اجت هلا...رح تيجي بالوقت الصبح ...

واذا اجت حافظ عليها لانها من السما جاي...

" حـقـك تـعـشـق .. حـقـك تـهـوى ... و حـقـك عـلى البـاعـك تـقـوى "

كيفك يا حب

بين هنا و هناك

غلا إدريس

حدا تاني...

" ما بعرف اذا اسما خيانة انا عم حس لحدا تاني..بس احساس مش اكرت.. "

ما بعرف اذا هو بحس نفس ما انا بحس اتجاهه...

ما بعرف اذا هاد حب ... القصة غير هيك ...

القصة مش حب ... شي غير الحب

شي عكس الحب ... شي ما بنحكي عنه حب ...ولا بنوصف تحت كلمات الحب ...

اسمه احساس.. يعني ب اي لحظة بختفي هاد الاحساس...

هالحدا التاني...باخذ منه قوة و طاقة ودعم ما اخدتها من اي حد ..

جد ما بعرف اذا اسمها خيانة..لانه عم بميل ل قلب و احساس حد تاني

بس احساس ...بس شعور...بس دوامة ضايعة فيها

يلي بيبي وبينه بس صداقة مش اكرت....

بين هنا وهناك

" يلي بيبي وبينه صداقة..بس عم باخذ منه طاقة ما اخدتها منك "

غلا إدريس

فخورة بحالي

فخورة ب يلي وصلت اله.. وكل شي عملته.. وفخورة جدا.. بمعنى جدا..

بكل كسرة قلب.. قلبي انكسرهما.. وفخورة ب كل خيبة أمل مریت فيها..

وفخورة بكل مراحل الاكتئاب يلي وصلت الها ...

وفخورة بكل لحظة مریت فيها لحالي ... وفخورة بكل كلمة قلتها عن قصد وغير قصد..

وفخورة بكل مكان دخلته ولطعت منه مكسورة الخاطر..

وفخورة بكل دمعة نزلت من عيني ... وفخورة بكل المشاكل يلي دخلتها ووقعت فيها...

وبخورة بكل طريق دخلتها... السبب يلي مخليني اني فخورة بكل هاي الشغلات...

يلي خلاني اوصل لهاي المرحلة في الحياة... هي كل لحظة مریت فيها ...

ودفعت عليها سهرو تعب.. وفخورة بالمكان يلي انا فيه..

يلي غيري لويقعد سنين مش رح يوصله ...

فخورة بسواد عيوني والله.. وفخورة بس اشوف اسمي بين الناس ينحكي فيه ...

الحمد لله اولاً ودائماً وأبداً.....

بين هنا وهناك

غلا إدريس

وتستمر الحياة...

صار لازم احكي واخيرا تصالحت مع حالي... تعلمت احب حالي ..

اكثر من حد ثاني..تغيرت اه..وقويت طبعا..

كنت تيحي تحكيلي المكان يلي بطمح لا اله .. رح يكلفني كثير...

رح يكلفني وقت وتعب و صحاب وناس قراب ..

كنت تحكي اختاري حالك فوق كل هدول ...

اخترت حالي... ووووووو... وصلت ...

وكسبت حالي...بس خسرت كثير..خسرت كثير..

بس انا منيحة...انا منيحة و مستمرة...

حلمي صعب.. بدوتعب ووقت

ورح أوصل وما رح اياس ولا رح أوقف ...

مهما مرت علي الظروف.... مهما وقعت..ومهما حاربت ...

وشوماكان السبب...سواء مرض رح يعيش معي ...

سواء عثرات رح اوواجهها... او تحطيم آمال رح امر فيها...

مستمرة..وتستمر الحياة....

غلا إدريس

كبرت و عرفت...

كبرت لدرجة.. انه ما بقى اهتم ب حد راح و حد اجى ...

ولا فكرت ادورع ناس يحبوني..واحيهم..

وبطل يهمني حد ...

كبرت ل درجة بطلت اجادل فيها حد ... بس اكون أنا الصبح ...

صرت أترك الأيام تثبت وجهة نظري..

كبرت و عرفت أنه المظاهر خداعة ...

يا الله شو خداعة ... يا الله

كبرت !!!

و عرفت أشيل حالي بحالي

ولا أستند على كتف حد ...ما حد رح يشيلك غير أمك و أبوك...

بين هنا و هناك

غلا إدريس

مش لعبة بيحي...

كسرة القلب مش هينة..ولا مزحة..ولا نكتة ...

بمرق عليك أيام أنه قلبك جد ...انكسر...

وانه الوجع يلي عم بتمر فيه ... عم بياكل روحك ...

بتوصل لمرحلة...مش قادر تفكر ولا حتى تاخذ نفس ...

حتى أحيانا بتنسى.. بتنسى تحكي عن شعور ماسكك و خانقك...

بتنسى تحكي انك تعبان ...ومش قادر تمشي خطوة لانه ضايع...

بتحس بين كل وجع ووجع او حتى بين كل غصة و غصة ...

حرقه كسرة القلب...

كسرة القلب مو هينة..مش مزحة..مش غيم بيحي.. ولا نكتة ل تغير مودك ...

بس يلي ذاقها ...رح يحس فيها ... ويلي ما ذاقها مش رح يأمن فيها ..

بين هنا وهناك

غلا إدريس

الخاتمة...

بعد ما تجاوزت لعنة طرف ثالث ومريت ب بين هنا وهناك ... إتأكدت أنه في يوم حلورح
يجي ع حياتك بس بدها صبر..مش دائما الحياة معنا ... و مش دائما يلي بدنا إياه مكتوب إلنا ..

الدنيا نصيب... والأشخاص يلي طلعت من حياتك ..خليها هدف إلك ...وكنصيحة .. خفف
من توقعاتك اتجاه أي شخص ممكن يدخل حياتك ...ما حد رح يضل مع نورك داخل النفق
يلي بمرفيه شريط حياتك ...وما حد رح يكون وقت ما يصير اتجاه معاكس ب سيناريو حياتك
وقف واحسها مين بستاهل يكون داعم ل قلبك

وبالخير بهدي كتابي ل (هنادي منكو) هي والدتي والداعم الاساسي بحياتي ونجاحي ...

أشكرربي على كل دقيقة وقفت فيها سند عن مليون سند ...أمي يا قطعة من قلبي...

جعل الله باقي أيامك سعادة وراحة بال...ب قلبك الأبيض الصافي ...


علا مأمون إدريس

2021/07/14

9:40pm

علا إدريس

بعد كل سقوط..وقفة صمود....



بين هنا و هناك

غلا إدريس